

經

義

述

聞

經義述聞第十

高郵王引之

儀禮七十四條

闕西閫外 旅占 主人戒賓 告兄弟及有司告事
畢 純衣 遂以摯見於鄉大夫鄉先生 局廂 孝
友時格 納采用鴈 衽楊 布席于奧 必殺全
三族之不虞 勛帥以敬先妣之嗣 某以得爲外婚
姻之數 至下 若君賜之食 則曰寡君之老 宅
者 羹定 簋下 公如大夫入 服鄉服 先生君
子 縮霑 乏參侯道居侯黨之一西五步 三耦拾
取矢 眾賓未拾取矢 二大夫媵爵如初 爲大燭

賓爲苟敬 栗階 度尺而午 相復 及期夕幣
遂以入竟 志趨 舍息 禽羞俶獻比歸大禮之
日 至再拜 賓栗階升 匹馬卓上 異姓小邦
右縫 公士 櫛笄 纒緇約純 用二鬲 鱗鮪
俎人 竹簋蓋 茗用茶 喉矢 右取肝 沐浴不
櫛 降階還 普淖 始虞祝辭譌文 三虞 卒哭
他用剛日 尸俎所俎皆有肩臂 孝子某 薦此常
事 乃杙 兩劒芼 祝命接祭 爾黍稷 拜 西
南 今文淳作激 主人拜送 迎尸 其胥體儀也
腊辨

闕西闕外

士冠禮布席于門中闕西闕外。鄭注闕門櫨闕間也。疏曰。曲禮云。外言不入于闔。闔門限。與闕爲一也。引之謹案。闔闔也。非闕也。闕門限也。非闔也。爾雅。扶謂之闕。郭注曰。門限。檠謂之闕。郭注曰。門闔。說文闔作相。曰。相門檠也。檠門相也。闕門相也。闕門相也。相限也。相與扶同。廣雅說門闕曰。限謂之承。扶。凡。檠。砌也。說門闔曰。檠。檠闔。朱也。朱亦與闔同。是闕與闔不同物。不得以闔爲闕也。曲禮之相。正指闔言之。鄭彼注曰。相門限也。亦誤以爲闕矣。王肅家語本命篇注。孔鼂逸周書作雜篇注。及眾經音義二引三蒼。並曰。闔。門限也。誤與鄭同。又鄭風丰

篇箋曰。棧門。柵上木近邊者。李巡注爾雅釋史記循吏

官曰。棧。謂柵上兩傍木。亦誤以柵爲門限。

傳。楚民俗好庫車。王欲下令使高之。相曰。臣請教閭里

使高其柵。王許之。居半歲。民悉自高其車。索隱曰。柵。門

限也。棧。柵。門。極也。極。居門中而短。玉藻正義曰。閭。謂門

之中央所豎短木也。車入里門。則軸過其上。極高。故車不得不高。若增高門

限。則輪不能過。雖高其車。無益也。索隱之說。義不可通。

初學記人部引蔡邕短人賦曰。木門閭兮梁上柱。視短

人兮形如許。閭爲門中之極。直立而短。故短人似之。若

門限橫亘。不與人相似矣。史記馮唐傳。閭以內者。寡人

制之。閭以外者。將軍制之。漢書閭作闔。韋昭注曰。門中

楹爲闕。此闕闌同物之明證。史記正義以闕爲門限。則與闌殊物。何以漢書作闕耶。糜通作厥。闕通作困。晏子春秋雜篇。和氏之璧。并里之困也。荀子大略篇作并里之厥。并里之厥。謂里門之闕。以石爲之者。故和璧出於其中。古者應門之闕。或以黑石爲之。逸周書作雒篇。應門庫臺元闕。孔注以元爲黑石。今京師城門巷門中央豎短石。古之遺法也。據晏子作困。荀子作厥。卽闕楹之偕字。則闕之爲門楹。而非門限。甚明。當以說文廣雅及爾雅注爲正。不當如鄭說也。漢書王莽傳。思不出乎闕。顏注曰。闕。門楹也。則是以闕爲闕矣。九誤。江氏慎修儀禮釋宮增注。不能辨正。反以爾雅注爲非。疏矣。

旅占

旅占鄭注曰旅欲也還與其屬其占之古文旅作臚引

之謹案旅序也旅占謂占者三人見士喪禮順其長幼之序

以占也。特牲饋食禮筮者還東面長占注曰長占以其

年之長幼旅占之疏曰從長者為始也燕禮小臣請騰爵者公命長注

曰命長使邇卿大夫之中長幼可使者又射人作大夫

長升受旅注曰長者尊先而卑後公會大夫禮大夫長

盥注曰長以長幼也少牢饋食禮宗人遣賓就主人皆

盥于洗長杜注曰長杜者長賓先次賓後也昭十三年

左傳使五人齊而長入拜杜注曰從長幼以次拜並與

長占同義管子八觀篇齒長輯睦尹知章注曰鄉里長

弟當以是其明證鄉飲酒禮司正升相旅注曰旅序也

齒也

既賓又以次序相酬燕禮士旅酌注曰旅序也士以次

序自酌相酬。旅占猶言旅酬旅酌耳。古文旅作臚。臚亦序也。爾雅曰臚敘也。臚與旅同。敘與序同。

主人戒賓

主人戒賓。鄭注曰。賓主人之僚友。古者有吉事則樂與賢者歡成之。有凶事則欲與賢者哀戚之。今將冠子。故就告僚友使來。疏曰。論主人筮曰。訖三日之前。廣戒僚友使來觀禮之事也。又乃宿賓。注曰。宿者必先戒。戒不必宿。其不宿者爲欲賓或悉來。或否。疏曰。云宿者必先戒者。謂若賓及贊冠者同在上戒賓之內。已戒之矣。今又宿是宿者必先戒也。云戒不必宿者。卽上文戒賓之

中除正賓及贊冠者。但是僚友欲觀禮者。皆戒之使知而已。後不更宿。是戒不必宿者也。云不宿者。爲厭賓。或恐來或否者。此決賓與贊冠者。戒而又宿。不得不來。厭賓主來觀禮。非要須來。容有不來者。故直戒不宿也。引之謹案。鄭賈之意。戒賓時。廣戒厭賓。而正賓與贊冠者亦在其中。既筮而宿賓。則惟宿正賓與贊冠者。而厭賓不與。蓋以戒賓之後。猶須筮賓。則方其未筮之時。尙未知誰爲正賓。故以爲廣戒厭賓也。今案。少年饋食禮。先宿戒尸。後筮尸。筮吉乃宿尸。與此先戒賓。後筮賓。最後宿賓。正相似。鄭注宿戒尸曰。重所用爲尸者。是少年未

筮尸之時已有將以爲尸之火。主人先戒之以明慎重之意。則冠禮未筮賓之時亦得有將以爲賓之人。主人先戒之以重冠事明矣。主人所戒之賓卽所筮之賓。猶少牢所戒之尸卽所筮之尸。不得以筮賓爲筮冠子者。而以戒賓爲戒眾人也。且鄉飲酒鄉射之主人戒賓皆指正賓言之。而冠禮之主人戒賓則又兼指眾賓無是理也。下文自夙興以下曰冠者曰主人曰賓曰贊冠者曰主人之贊者曰擯者曰兄弟爲類凡七絕無所謂眾賓者。主人又安得而戒之乎。下文戒賓曰某有子某將加布於其首願吾子之教之也。教之謂若始加祝曰棄

爾幼志順爾成德。再加曰敬爾威儀。淑慎爾德也。惟冠
于者乃有教之之語。賓對曰。某不敏。恐不能其事。以病
吾子。其事謂若三加與醴與字之也。惟冠子者始執其
事。主人戒賓與賓對之詞。皆指冠子而言。而無一語及
於觀禮。豈得謂廣戒僚友使來觀禮乎。鄭君徒以筮賓
之前不當先知有賓而戒之。而以爲廣戒僚友則何以
解於少牢筮尸之前。先有尸而戒之乎。曰。賓已戒矣。筮
而不吉。則如之何。曰。改筮他人爲賓。吉而宿之。而前所
戒之賓不宿。知者。少牢先宿戒尸。後筮尸。而云吉則乃
遂宿尸。若不吉則遂改筮尸。冠禮之筮賓當亦如之。改

筮則所宿之賓非其所戒不改則所宿卽所戒之賓經但言其不改者耳

告兄弟及有司告事畢

擯者請期。宰告曰。質明行事。告兄弟及有司。告事畢。擯者告期于賓之家。鄭注。告兄弟及有司。曰。擯者告也。注。告事畢。曰。宗人告也。疏曰。必知擯者告者。上擯者請期。此卽云告。明還是擯者告可知。知宗人告者。亦約上文。筮日時。宗人告事得知也。引之謹案。如鄭注。告兄弟及有司。告事畢。告者。兩易其人。則經當有以別之。不得隱其告之之人。而但曰告也。且下始云。擯者告期于賓之

家則告兄弟及有司。非擯者明矣。上文筮曰。宗人告事
畢而此不言宗人。則亦非宗人告矣。反復文義。告兄弟
及有司。告事畢。蓋皆宰告之。不言宰者。承上宰告而省
其文。士喪禮。宗人退。東面。乃旅。古卒。不釋龜。告于涖卜
與主人。古曰。某日從。授卜人龜。告于主婦。主婦哭。告于
異爵者。告于主婦。告于異爵者。皆宗人告也。而不言宗
人。亦承上宗人告于涖卜而省其文也。

純衣

爵弁服。纁裳。純衣。緇帶。韎韐。鄭注曰。純衣。絲衣也。餘衣
皆用布。唯冕與爵弁服用絲耳。士昏禮。純衣。纁襦。鄭亦

以爲絲衣。家大人曰。純當讀黝。說文。黝。黃濁黝也。廣雅。黝。黑也。廣韻。黝。黃黑色也。黝與純聲義相近。古字可通。爵弁服固以絲爲之。然士冠禮之純衣。與纁裳連文。則義主於色而不主於絲。士昏禮之純衣纁裙。亦猶是也。若訓純爲絲。則於文不類矣。史記五帝紀亦曰。黃收純衣。彤車白馬。周官禮記多謂黑色爲純。詳見周官純帛下。

遂以摯見於鄉大夫鄉先生

引之謹案。鄉大夫之鄉。賈疏作鄉冠義。孔疏亦作鄉。陸德明禮記釋文則作鄉。音香。劉廣文端臨從賈。孔非鄉。

段大令茂堂張觀察古愚顧文學千里從陸作鄉今臚列其說於左而加注以辨之。

劉曰鄉大夫陸德明釋文無音。禮記冠義則云鄉大夫鄉先生並音香。自此以後儀禮禮記各本皆作鄉。卽石經亦然。由今考之。元經及冠義皆當作鄉大夫作鄉誤也。鄉大夫謂見爲卿大夫者。鄉先生謂已爲卿大夫而致仕者。見君之次。徧見卿大夫。如國語趙文子冠徧見六卿是也。案宋明道本國語韋注引禮既冠莫贊于君遂以贊見卿大夫其字正作卿則韋所見儀禮禮記皆作卿大夫不作鄉賈疏釋注云鄉先生鄉中可知。此足正陸氏釋文之誤。鄭不言者。經云卿老人爲卿大夫致仕者。先生亦有士。鄭不言者。經云卿

大夫不言士故先生亦略不言。据此知賈所見儀禮本作卿大夫也。孔疏云見於卿大夫謂在朝之卿大夫也。是孔所見禮記本亦作卿大夫。孔以在朝對致仕文義甚明。而今本正義亦竝改作鄉。段曰鄉大夫是也。作卿非也。凡言鄉大夫有二義。一則周禮之本鄉鄉老鄉大夫。關以下州長黨正族師閭胥也。鄉大夫卿也。鄉老公也。舉鄉大夫以上關公下關士也。案鄉大夫乃官名非爵名不得上關公下關一則本鄉之仕爲大夫在朝者亦舉大夫以關公士也。案此說無據卿射禮注曰遵者鄉之人仕至大夫者。案鄉之人仕至大夫者謂之遵者不聞謂之鄉大夫也。又曰鄉先生鄉大夫致仕

者也。案此鄉大夫亦當作卿大夫。士冠禮注所謂鄉先生鄉中老人為卿大夫致仕者也。此注鄉大夫致

仕者六字。正與彼同。傳寫者卿誤為鄉耳。亦猶士冠禮注之卿大夫鍾本陳本及通典通解楊氏圖俱誤作卿

大夫也。此鄉大夫三字。所謂同一鄉之人仕至大夫者。鄉

射禮注鄉大夫乃傳寫同一鄉而仕至大夫曰鄉大夫

之誤。不得據以為解。案敖繼公集說云。鄉大夫鄉之異爵者也。臆說不足據

段用其意而為此說。非也。編考書傳無謂同鄉之人仕至大夫為每鄉卿一人。亦即大夫之一也。案此亦用敖

鄉大夫者。每鄉卿一人。亦即大夫之一也。氏主治一鄉

之說。然敖云。鄉大夫鄉之異爵者也。或云。即主治一鄉

者。皆未定之說。前說是。則後說非。後說是。則前說非矣。今乃兩說並用。不自相悖謬乎。且經義果如此。則注當

云。鄉大夫官名。每鄉卿一人。或云。鄉大夫同鄉之人仕

至大夫者。文義乃明。鄭於禮禮記皆釋鄉先生。不釋鄉

何得無一語注釋。大夫者禮記注云。鄉先生同鄉老而致仕者。則鄉大夫

之爲同鄉現仕者可知矣。儀禮注云：鄉先生、鄉中老人

爲鄉大夫致仕者，則鄉大夫爲鄉中卿大夫未致仕者

可知矣。

案卿大夫若作鄉大夫，則文在鄉先生之前，鄭當先釋鄉大夫稱鄉之義，何待至鄉先生而始

云同鄉

云卿中乎。至卿先生而始釋鄉字，則上文卿大

夫之不作

卿明矣。又案卿大夫人所共曉，故鄭不注。若

作卿大夫

則不得無注矣。何以儀禮禮記注皆

不釋此三字

乎。段雖曲爲之說而終不可通也。本鄉之

外，恐太廣而不決。本鄉之內，不甚遠而易相親，故有冠

者，必見其鄉之已仕致仕者也。如賈孔作卿大夫，則在

朝之卿大夫，其可全見與。

案古者無大夫冠禮，趙文子所行，卽士冠禮也。徧見六卿

見於國語

不得云不可全見。晉有六卿，猶見全見，其餘

諸侯則大國三卿

小國二卿，人數無多，何不可全見之

有

是以陸是而賈孔非也。案韋昭晉語注引禮作卿大

夫與賈孔合，則賈孔是而陸

井

又曰宋明道本晉語注遂以贅見卿大夫當作鄉

大夫先生

案俗本作鄉大夫先生此元以後人所改不可從韋引禮見卿大夫者以文子編見六卿

也。不得從誤作卿大夫且所見非致仕者不得並引先生也。

卿大夫謂每鄉卿一人

之鄉大夫及同一鄉中仕至卿大夫者卿先生同一鄉

中嘗仕為卿大夫而致仕者也皆見儀禮鄭注

案儀禮鄭注未

嘗云卿大夫謂每鄉卿一人之鄉大夫及同一鄉中仕至卿大夫者也賈疏亦無此說禮記鄭注及孔疏皆無

此必皆云鄉者謂同一鄉

案卿大夫在朝者冠者皆見之先生則惟在木鄉者見之

故先生獨稱鄉若謂所見大夫與先生皆同鄉之唐賈人則經但云卿大夫先生足矣下鄉字不可刪乎

孔儀禮禮記正義作卿大夫誤

案賈孔

陸氏禮記釋文

音香不誤

案陸據誤本作音不可從

韋云鄉大夫先生省下鄉字正

可見韋所據作鄉大夫也。

案此為俗本所誤。據明道本則韋注正作鄉大夫。未嘗作

鄉亦無先生二字。

張曰。鄉大夫者。鄉人之在朝為大夫者也。

案此沿段氏之誤。

諸侯之上大夫卿。故言大夫而闕卿矣。非遺

之也。鄉先生。仍是鄉人為大夫者。但致仕耳。故鄭注就

下句為解。

案上句鄉大夫何以不解。儀禮禮記注又何以皆不解。此不可通。

以上經已

見鄉大夫。其人自明。

案上經如作鄉大夫。則必當注釋。若不注。則不知作何解矣。不得云

其人

自明。下經不知先生何人。故須明之也。儀禮士冠禮注

云。鄉先生。鄉中老人為卿大夫致仕者也。其解貫通上

下。而又補說經之大夫兼卿也。

案卿字即出上經。非經文不言卿而鄭補之也。

賈疏但云經不言士而不云經不言卿。則上經本作卿大夫。下經鄉先生注所謂卿大夫致仕者。即承上經卿

大夫言之明甚。若經不言卿而注鄉射注云。鄉先生鄉

大夫致仕者也。以此中兼卿義具前注。故但取卿大夫

成文也。案以前注考之。則卿大夫即卿大夫之誤。說見上。即以相承之本言之

禮記冠義釋文云。卿大夫鄉先生竝音香。案此陸氏之

明道本國語韋注引禮正作卿大夫。與經文注意皆屬

合。足正釋文之誤。初學記禮部下引儀禮正作卿大夫

則唐時固有誤者。不獨賈儀禮雖無音。決與此同。可

孔也。學者擇善而從可矣。證者一也。禮記正義複舉遂以摯見於鄉大夫云。謂在

朝之鄉大夫也。案卿乃卿之誤。在朝之卿大夫。對卿大

衛是禮記集說引正義云。卿大夫。在朝之卿大夫。上卿

字雖誤作卿。而下卿字尚不誤。可見冲遠所據禮記本

正作卿大夫也。不得以誤本作卿者為證。可證者二也。冠禮賈疏云。經云鄉

大夫案鄉乃北宋本之誤字。疏曰。經云卿大夫不言士。正對卿先生注有卿大夫而無士言之不得。故卿為鄉。且疏不解鄉大夫稱鄉之義。則所據經文作卿大夫而不作鄉可知。宋魏了翁儀禮要義引賈疏正作卿。當從之。可證者三也。以及唐石經本儀禮禮記字甚完好。

皆竝作鄉

案此皆因釋文致誤。不足據。

然則自來不聞異說。唯俗本

儀禮疏鄉誤卿。不過鈔胥刻工因形近舛錯而已。

案毛本作

卿與經文注意照合。要義亦作卿。則魏了翁所據賈疏即如是。不得以為舛錯也。

儻專據之傳

會成說。始則誣賈繼則誣鄭。不亦偵乎。

案鄭賈本作卿。非誣也。

顧

千里校吳門黃氏北宋本儀禮疏作鄉不作卿。已破其

所專據之謬矣。

案作卿者不謬。北宋本作卿則真謬矣。

局備

設局用鄭注曰。今文局爲鉉。古文𠩺爲密說文。𠩺音局所以

音晨
所以

舉鼎也。今本作鼎非。鼎
莫狄反。所以覆鼎也。

呂木橫貫鼎耳而舉之從鼎曰

真

門非門莫狄反

音扁。今本作周禮廟門容大甬七箇。卽易玉鉉大

吉也。段氏若膺注曰。今攷工記作大廚七介。許所據作

鼎金部鉉下曰。所以舉鼎也。易謂之鉉。禮謂之鼎。據此。

知儀禮古文本亦作𠄎。古文以𠄎密連。夾今文以鉉𠄎。

連文鄭上字從古文下字從今文則謂兩連文轉寫恐

其易懼。故易上字爲扁耳。引之謹案。段說非也。說文鉉

字注易謂之鉉禮謂之脩禮上當有周字脩字注周禮

廟門容大甬七箇。卽易玉鉉大音也。正與鉉字注合。是

其明證俗本禮上脫周字而解者遂以爲儀禮若儀禮古文果作𠄎鄭安得輒改爲局乎。易作鉉。周禮作𠄎皆正字。故許君引之若儀禮古文作局乃𠄎之俗字。已言周禮謂之𠄎不須更引儀禮矣。

孝友時格

孝友時格。永乃保之。鄭注曰善父母爲孝善兄弟爲友時是也。格至也行此乃能保之。今文格爲𠄎凡醮者不祝。釋文𠄎又作假。引之謹案格𠄎字也。𠄎正字也。古𠄎音少牢饋食禮祝受以東北面于戶西以大福曰𠄎。特𠄎于主人。注曰古文𠄎爲格。格亦𠄎字。饋食禮進聽𠄎注曰授福曰𠄎。𠄎長也。大也。待尸授之以長大之福。孝友時𠄎言唯孝友

之人是福也。其福久而不失。故又曰永乃保之。之字正指嘏而言也。下文字辭曰宜之于假。永受保之。注曰假大也。案假亦與嘏通。藝文類聚禮部下通典禮十六並引作宜之于嘏。嘏六福也。宜之于嘏。猶言福祿宜之也。永受保之之字亦指嘏而言也。前後文義正同。不當異訓。始醺曰孝友時嘏。再醺曰承天之祜。三醺曰承天之慶。受福無疆。皆祝其多福之辭。鄭以爲醺者不視非也。敖繼公儀禮集說訓格爲感格尤誤。

納采用鴈 下大夫相見以鴈

士昏禮納采用鴈。鄭注曰納采而用鴈爲摯者取其順

陰陽往來。士相見禮。下大夫相見以鴈。注曰。鴈取知時。飛翔有行列也。引之謹案。士昏禮記曰。摯不用芻。鄭注曰。摯。鴈也。是鴈乃生者。鴻鴈野鳥。不可生服得之。則芻若以鴻鴈爲摯。則是芻物也。而記曰。摯不用芻。則非鴻鴈可知。又士相見禮曰。摯冬用雉。夏用膳。是四時皆有執摯之禮。鴻鴈孟春北去。仲秋始來。夏月無鴈之時。下大夫將何以爲摯乎。由是言之。所用必非鴻鴈矣。鴈蓋鷀也。鷀乃常畜之禽。故四時用之。曲禮曰。獻鳥者佛其首。畜鳥者則勿佛也。鄭注佛其首曰。爲其喙害人也。今若執鴻鴈亦當佛其首。而士相見禮但云飾之以布。維

之以索而無佛首之文則其爲畜鳥明矣李涪刊誤曰
瓘執鴈入奠執贄之義也鴈是野物非時莫能致故以
鷩替之者亦曰奠鴈爾雅云舒鴈鷩鷩亦鴈之屬也案
鷩亦謂之鴈古人奠鴈正謂用鷩非古用在野之鴈而
後人以鷩代之也古者謂鷩爲鴈詳見周官膳用六牲
下。

施緹

主人纁裳緇緹鄭注曰施謂緣釋文施以豉反又音移
士喪禮記緇緇緹注曰飾裳在幅曰緇在下曰緹釋文
緹他計反劉羊豉反羊豉以文同緹又澁衣純袂緣純邊注曰

緣。緇也。釋文。緇徐音以豉反。正義曰。緇謂淡衣之下純也。卽裳下緣。引之謹案。施緇一字也。故同爲裳下緣。又同音以豉反。集韻。施裳下緣也。或作緇。敷繼公曰。緇緇未詳。蓋未知紕與緇施與緇之本同一字也。

布席于奧

勝布席于奧。釋文無布字。朱梁補石木有。張淳儀禮識誤。李如圭儀禮集釋。竝從釋文。或曰。下文御布對席。與此文相當。則有布字爲是。家大人曰。無布字者是也。下文御布對席。若無布字。則文不成義。此言勝席于奧。則文義已明。鄭注鄉飲酒云。席敷席也。無庸更加布字。下

文言席于者六皆無布字。又各篇中言筵于某處者。筵上亦無布字。釋文出腠席二字。而不言本或作腠布席。周南草蟲正義引此作席于輿。是舊本皆無布字也。布字卽涉下文布對席而衍。

必殺全

記脂必用鮮。魚用鮓。必殺全。家大人曰。必字在殺字上。則文義不順。必殺全。本作殺必全。與上文行事必用脣。所皮帛必可制。脂必用鮮。皆文同一例。疏曰。云殺必全者。義取夫婦全節無虧之理。是其證。朱梁補石及各本皆作必殺全者。涉注文殺全而誤。注云。殺全者。不饒。不剝傷。此鄭氏約義。

經文。引之謹案。殺牲體也。俎實也。士冠禮醯醢曰肴。無必字。殺牲體也。俎實也。士冠禮醯醢曰肴。升折俎。有與。大雅既醉箋曰。殺謂牲體是也。殺必全者。謂豚之左右體全載於俎也。上文經豚合升。注曰。合左右胖升於鼎也。疏曰。以夫婦各一。故左右胖俱升。是牲體之升於鼎。已用全矣。及其升俎。亦必用全。以夫婦各一胖故也。少牢饋食禮。膾一純而鼎。注曰。合升左右胖曰純。純猶全也。殺之全。猶膾之純耳。鄭注以殺全爲不餒敗不剝傷。案凡爲殺者。皆不當餒敗剝傷。不必皆禮而始然也。始失之矣。

三族之不虞

惟是三族之不虞。使某也請吉日。鄭注曰。虞。度也。不億
度。謂卒有夙喪。期服則踰年。欲及今之吉也。引之謹案。
卒有夙喪。不測之患。則不得嫁娶矣。何以請吉日。若豫
料將來。則又與惟是之文不合矣。今案不。無也。洪範無
偏無黨
史記張釋之馮唐傳贊引作不偏不黨。呂荆鯨寡。寡。憂
無蓋。墨子尚賢篇引作鯨寡不蓋。是不即無也。虞。憂
也。范望注大元元瑩曰。虞。憂也。繫辭傳曰。悔吝者。憂虞
之象也。哀五年左傳曰。二。三子聞於憂虞。則有疾。疾
虞亦無憂。謂無夙喪也。三族無夙喪。則可行嘉禮。故惟
用此三族無虞之時。請吉日也。此與萃象傳之戒不虞
左傳之備其不虞。義三異訓。彼謂不億度。此謂無憂患
也。

勛帥以敬先妣之嗣

父醯子。命之曰。往迎爾相。承我宗事。勛帥以敬。先妣之嗣。若則有常。鄭讀勛帥以敬先妣之嗣爲一句。云。勉帥道婦以敬其爲先妣之嗣。敖繼公儀禮集說讀勛帥以敬爲句。先妣之嗣爲句。云。汝當勉帥之以敬。彼能敬。則盡婦道。而可以嗣續我先妣之事矣。引之謹案。敖說是矣。而未盡也。之是也。言當勉帥以敬。唯先妣是嗣也。大雅江漢篇。召公是似。文義與此同。毛傳曰。似嗣也。凡詩言先君之思。云誰之思。嫺婉之求。維子之好。之字皆與是同義。經文以事嗣爲韻。若則有常句不入韻。士冠禮字辭禮儀既備。令月吉日。昭告爾

字爰字孔嘉髦士攸宜宜之于假永受保之備字爲韻
嘉宜爲韻末二句不入韻是其例也顧氏詩本音謂相
常爲韻非是。

某以得爲外婚姻之數

某以得爲外婚姻之數某之子未得濯漑於祭祀是以
未敢見注疏不釋數字釋文亦無音引之謹案數當音
所角切爾雅曰數疾也數之言速也驟也曾子問不知
其已之遲數鄭注曰數讀爲速是也言前此驟爲婚姻
其時未久某之子尙未濯漑於祭祀某是以未敢往見
吾子也。

至下

士相見禮。始見于君。執贄。句至下。容彌蹙。鄭注曰。下。君所也。敖繼公曰。至下。謂當帶也。曲禮曰。凡奉者當心。提者當帶。此執物高下之節也。執贄當帶。見至尊者之禮也。引之謹案。君所不得謂之下。鄭說誠未安矣。敖云至下。謂當帶。則是解至下爲極卑也。然但云極卑而不指其處。則安知不更下於帶乎。恐古人無此不了之文法也。且上文贄冬用雉。夏用脰。左頭奉之。釋文奉。芳勇反。與捧同。是贄當奉不當提。正當用奉者當心之禮。何得同於提者之當帶耶。今案上文賓奉贄入門左。主人再拜。

受。注曰。受贄於庭。不受贄於堂。句下人君也。疏曰。聘禮賓升堂致命授王。又下云。君在堂。升見無方階。亦是升堂見君法。故云。不於堂。下人君也。據此。則君受臣贄。當於堂上。君無下堂迎臣之禮。猶天子不下堂而見諸侯也。此云至下。蓋謂執贄者行至君之堂下。至堂下。則去升堂奠贄不遠。故其敬益甚。故下文遂云容彌蹙也。古者謂堂下爲下。鄉射禮曰。主人獻笙于西階上。笙一人拜于下。又曰。命弟子贊工遷樂于下。聘禮記曰。若君不見。使大夫受。自下聽命。自西階升受。公食大夫禮記。鄉擯由下。注曰。不升堂也。臬陶謨。下管鼗鼓。鄭注曰。謂舜

廟堂下之樂故言下。

見周官大司樂疏。

禮運曰粢醑在堂澄酒

在下。論語子罕篇曰拜下。禮也。皆其證矣。

若君賜之食

若君賜之食則君祭先飯。徧嘗膳飲而俟君命之食。然後食。鄭注曰。此謂君與之禮食。疏曰。謂君與臣小小禮食法。此節玉藻云。若賜之食而君客之則命之祭然後祭。但此文不云客之。命之祭然後祭。文不具也。引之謹案。士相見所記者。侍食之常禮。玉藻所記則見客於君者也。常禮則臣不祭。故士相見但言君祭也。客禮則臣亦得祭。故玉藻者命之祭然後祭也。二者不同。鄭注賈

疏強合之非也。論語鄉黨篇侍食於君。君祭先飯。邢昺疏曰。敵客則得先自祭。降等之客則後祭。若臣侍君而賜之食。則不祭。若賜食而君以客禮待之。則得祭。雖得祭。又須君命之祭。乃敢祭也。此言君祭先飯。則非客之禮也。邢氏之說。足以正鄭賈之失矣。又案侍食之常禮。與見客於君之禮。所異者。祭不祭耳。其餘則同。故士相見。言先飯。徧嘗膳飲而俟。君命之食。然後食。若有將食者。則俟君之食。然後食。玉藻亦言先飯。辯嘗羞飲而俟。若有嘗羞者。則俟君之食。然後食。飯飲而俟。明先飯徧嘗膳以下。客禮常禮之所同也。鄭注玉藻以先飯辯。

嘗羞三句爲見客於君之禮以若有嘗羞者三句爲侍
食之常禮亦失之鄭注若有嘗羞者三句云不察侍食
不敢備禮也正義曰既不得爲客故
不得祭亦不得嘗羞則君使膳
宰自嘗羞故云有嘗羞者也

則曰寡君之老

非以君命使則不稱寡大夫

此下唐石經及各本俱有
士字案疏曰經直云大夫

鄭兼云士者經本文是士則云非以君命使可以兼士
也據此則大夫下本無士字特以本篇是士相見禮故
注兼士言之耳經文士字後人所加今依戴氏所校集釋刪正則曰寡君之老鄭注曰

謂摛贊者辭也不稱寡者

俗本者誤作君
今從集釋本

不言寡君之

某言姓名而已大夫士

士上各本衍卿字與疏
不合今依戴氏所校刪

其使則

皆曰寡君之某引之謹案寡大夫下則曰二字因下文

士大夫則曰下臣而衍也。戴氏東原校儀禮集釋曰。玉藻篇。上大夫曰下臣。擯者曰寡君之老。下大夫自名。擯者曰寡大夫。大夫私事使。私人擯。則稱名。公士擯。則曰寡大夫。寡君之老。是擯者稱上大夫曰寡君之老。稱下大夫曰寡大夫。此文當云。非以君命使。則不稱寡大夫。寡君之老。與玉藻互相爲義。今案戴說是也。鄭注玉藻。公士擯節曰。謂聘也。大聘使上大夫。小聘使下大夫。然則大夫以君命使。則擯者稱寡大夫。寡君之老。非以君命使。則不稱寡大夫。寡君之老矣。鄭不悟。則曰之爲衍文。而讀大夫下屬。且以不稱寡爲句。非也。敖繼公見俗

木大夫下有士字。乃謂君之老與大夫士之文宜易處
尤誤。

宅者

宅者。在邦則曰市井之臣。在野則曰草茅之臣。鄭注曰。
宅者。謂致仕者去官而居宅。或在國中。或在野。周禮載
師之職。以宅田在近郊之地。今文宅或爲託。引之謹案。
周禮宅田未知何指。若以爲居宅。則仕與不仕。皆有所
居之宅。但云宅者。無以見其爲致仕者也。且致仕者。曾
爲士大夫。豈得遽同疏賤。而稱市井之臣。草茅之臣乎。
反復文義。當以今文託字爲長。蓋羈旅之人。寄託於此。

國者也。襄二十七年左傳。衛子鮮出奔晉。託於木門。終身不仕。是其證。託者若仕。則自稱於君與士大夫同。不仕則或曰市井之臣。或曰草茅之臣而已。孟子萬章篇。在國曰市井之臣。在野曰草莽之臣。皆謂庶人。庶人不傳質爲臣。不敢見於諸侯。今託於此國而不仕。亦是不傳質爲臣者。故其自稱於君者相若也。下文他國之人曰外臣。則其不託於此國者矣。又案敖繼公曰。宅者。未仕而家居者也。若然。則經文但云處士可矣。何爲迂回其文而云宅者乎。遍考經傳。無謂處士家居爲宅者。敖說非。

羹定

鄉飲酒禮羹定鄭注曰定猶孰也疏曰孰云定者孰卽
定止故以定言之引之謹案鄭訓定爲孰而疏以爲定
止非鄭義也定者成也言成孰也呂氏春秋仲冬篇以
待陰陽之所定淮南天文篇秋分而禾菓定高注竝曰
定成也晉語謀既成矣吳語吳晉爭長未成韋注竝曰
成定也樂記曰王者功成作樂治定制禮定與成互文
耳孟子告子篇苟爲不孰趙注曰孰成也呂氏春秋明
理篇五穀熟敗不成高注曰成孰也是定成孰三字同
義晉語曰秦歲定謂秦歲孰也韋注定安也失之呂氏春秋審

時篇謂稻成熟爲定孰。故曰定猶孰也。

簠下 賓坐取爵適洗

主人坐取爵。興適洗南面。坐奠爵于簠下。盥洗。鄉射禮同。鄭注皆不言簠下爲何所。敖繼公以爲簠南。其說曰。南面坐于洗北。乃奠爵于簠南。不敢由便也。引之謹案。如敖所說。主人在洗北。因不敢由便而奠爵于簠南。賓在洗南。亦當不敢由便而奠爵于簠北。而燕禮大射儀並云。賓洗南坐奠觶于簠下。鄭注曰。簠下。簠南。賓在洗南而奠觶。卽于簠南。彼又何以由便乎。賓敢由便。而主又何以不敢由便乎。敖說殆不可通。今案主人奠爵于

篚下。謂篚北也。蓋篚在洗西。主人適洗南面。位任洗北。而下句遂云坐奠爵于篚下。則亦在篚北矣。此及鄉射禮並云賓進東北面辭洗。鄭注鄉射禮曰。言東北面則位南於洗矣。洗與篚東西相值。賓東北面於洗篚之南。則主人南面於洗篚之北。身在篚北而奠爵于篚南。此勢所不能也。鄉射禮賓坐取爵適洗北面坐奠爵于篚下。與盥洗鄭注曰。賓北面盥洗。自外來。疏曰。對主人自內出南面。然則賓適洗北面則篚下爲篚南。主人適洗南面則篚下爲篚北。正所謂賓自外來主由內出也。篚在洗西。賓北面於洗南。則左手近篚。奠于篚南者當以

左手主人南面於洗北。則右手近篚。奠于篚北者。當以右手。皆爲由便也。又案鄉射禮。賓坐取爵適洗。洗下蓋。脫南字。鄉飲酒禮。七賓坐取爵適洗。南北面。燕禮云。賓洗南坐奠觚。大射儀云。賓洗南西北面坐奠觚。是賓之所適皆在洗南。異於主人之適洗北。若不言南。則無以別於主人之適洗矣。主人適洗北不言北者。主人降自阼階。本在洗北。洗設于阼階東南故不言北也。賓降自西階。亦在洗北。而其所適則在洗南。若不言南。則嫌於適洗北矣。故賓之適洗。不得不言南也。鄭於燕禮大射儀之奠于篚下。並云。篚下。篚南。以士女洗南而知之也。而鄉射

禮之奠爵于篚下。則不云篚南。蓋上文賓坐取爵適洗下已脫南字。故無以定其方位也。當據鄉飲酒禮補南字。

公如大夫入

公如大夫入。鄭注曰。如。讀若今之若。疏曰。大夫與主人

爲禮是其常。

今本常
譌作常

公則非常。故鄭讀如若今之若。謂

大夫之於公更無異禮矣。引之謹案。下文公升如賓禮。賓禮已見於上文。故言如此。大夫入而賓主降之禮。上文所未有。不得遽言公如之也。廣雅曰。與如也。與可訓爲如。如亦可訓爲與。論語先進篇曰。方六七十如五六

十。又曰宗廟之事。如會同。是也。史記虞卿傳。子秦地。如
母。予孰吉。今本如上衍何字。篇見讀書雜志。新序善謀篇。如作與。是如
卽與也。公如大夫八者。公與大夫八也。鄭讀如爲若若
亦與也。召誥曰。旅王若公。謂陳言於王與公也。

服鄉服

賓服鄉服。以拜賜。唐石經及各本同。儀禮經傳通解刪
上服字。說曰。注云。今文曰賓服鄉服。明古文無服。今有
之。衍文也。集說同。宛平嚴氏鐵橋唐石經校文曰。案鄭
注。今文曰賓服鄉服。與經文無異。是經注必有一誤。然
經文爲賓鄉服。絕無證據。安知非注文轉寫衍一服字。

而敖氏等輒刪經就注。未免武斷。家大人曰。嚴說是也。唐石經祇載經文而不載注。唐石經作賓服鄉服。則經文有兩服字矣。經文有兩服字。則注文祇有一服字。當云。今文曰賓鄉服矣。今本注文亦作賓服鄉服。上服字乃涉經文而衍。非經文涉注文而衍也。注不云。今文無服。而云。今文曰賓鄉服者。今文有一服字。則不得言無服。且古文有兩服字。若言無服。則於兩服字不知何損。故必全舉其文。云賓鄉服也。鄉射禮記。君射則爲下射。注云。今文曰君射則爲下。言今文無下一射字也。聘禮迎于外門外。注云。今文曰迎于門外。言今文無上外字。

也。覲禮。迎于外門外。注云。古文曰。迎于門外。言古文無上外字也。例疏與此注同。

先生君子

羞唯所有。微唯所欲。以告于先生君子可也。鄭注曰。先生不以筋力爲禮。於是。可以來君子。國中有盛德者。疏曰。先生。老人教學者。君子。處士也。引之謹案。上文主人就先生而謀賓介。注曰。賓介。處士賢者。處士賢者。卽國中有盛德者也。然下文云。賓介不與。則處士有德者。但爲鄉飲酒之賓介。而此日不與其事。豈得復告于處士有德者乎。君子。蓋卽上文之諸公大夫也。鄉飲酒之日。

諸公大夫或來或否其不來者則可與於此日之息司

正故必以告焉鄉飲酒義曰故聖人制之以道鄉人士

君子舊讀上七字為句士君子謂士大夫也墨子尚賢

之士君子失之婦見禮記知尚賢而能使能謂士大夫也莫實介為士主人為大夫

見此大夫謂之君子君服傳君子者皆人之子也注

篇注曰大夫及公子之適妻子疏曰禮

之通則云君子與貴人皆據大夫已上諸公大夫亦謂之君子故曰以道

鄉人士君子也此鄉飲酒之諸公大夫謂之君子之明

證士冠禮遂以摯見於鄉大夫鄉先生鄉唐石經以下

遺書端臨卿大夫則此所謂君子也士相見禮凡侍坐於君

子君子欠伸問曰之早晏以食具告注曰君子謂卿大

夫及國中賢者也

案君子專謂卿大夫也。卿大夫位尊於上。故侍坐爰若
謂國中賢者在所宜尊則與賢者相見之士何必非賢
者乎。士亦可與賢者爲友。不必皆以爲師而侍坐於其
側也。論語季氏篇侍於君子有三愆。皇侃義疏曰。卑侍
於尊則君子謂卿大夫也。又曰。若先生異爵者請見之。則辭。注曰。異

爵者謂卿大夫也。卿大夫則君子也。曲禮曰。侍坐於先
生。又曰。侍坐於君子。又曰。侍坐於長者。斷無不及侍坐
於貴人之理。所謂君子卽卿大夫也。蓋卿大夫之已致
仕者爲先生。未致仕者爲君子。經言告于先生君子。謂
此二者也。先言先生後言君子者。鄉黨莫如齒。先生七
十而致仕。其齒最長。故先之也。鄉射禮之鄉先生君子
義與此同。彼注曰。君子有大德行不仕者亦失之。

縮霤

鄉飲酒禮記磬階閒縮霤北面鼓之鄭注曰縮從也霤以東西爲從古文縮爲蹙引之謹案東西可謂之橫不可謂之從鄭說非也縮當從古文作蹙蹙近也磬在兩階之間其北則霤矣說文霤屋水流也故屋水所注之處亦謂之霤燕禮設洗篚于阼階東南當東霤又曰賓所執脯以賜鍾人于門內霤是也磬雖不在霤而近於霤故曰蹙霤考工記弓人夫角之本蹙於剡而休於氣夫角之未遠於剡而不休於氣鄭彼注曰蹙近也正與此蹙字同義縮乃蹙之假借耳

乏參侯道居侯黨之一西五步

鄉射禮之參侯道居侯黨之一。西五步。鄭注曰。侯道五

十步。

疏曰。記云。鄉侯道五十弓。弓之下制六尺。與步相應。故鄭云步也。

此乏去侯北十

丈。

疏曰。五十步計之。步六尺五十步。則三十丈三分取一爲十丈。

西三丈。

疏曰。經云。西五步。五六三

十。故云。

疏曰。云乏參侯道者。謂三分侯道云居侯黨之

一者黨旁也。

案此說無據。遍考書傳。無訓黨爲旁者。

謂在侯西北邪向之

故以旁言之。其居旁之一者。謂侯道內三分之。居一分

之地十丈也。

案注謂去侯北十丈。非謂居侯旁十丈也。

敖繼公曰。侯黨指侯

之西邊而言。此乏參分侯道而居其一。乃云侯黨者。明

雖取數於侯道。實取節於侯黨也。

案西五步。乃取節於侯黨。參之一則取數

於侯道。二者各殊。不得強爲牽就也。

引之謹案賈氏敖氏之說皆非也。之

一二字當在乏參侯道下。讀乏參侯道之一爲句。乏參侯道之一者。乏之去侯之度。參分侯道之一也。考工記車人羊車二柯有參分柯之一。隋元年左傳。大都不過參國之一。文義正與此同。侯道三十丈。參分之一爲十丈。經言乏參侯道之一。故注言此乏去侯北十丈也。黨所也。曾子問曰。歸葬於女氏之黨。禮器曰。父黨無容。哀五年左傳。師乎師乎何黨之。史記齊世家集解引服虔注曰。黨所也。越語。夫上黨之國。韋昭注曰。黨所也。又十三年。公羊傳。往黨。衛侯會公於齊。反黨。鄭作會公於葵何休注曰。黨所也。所猶時齊人語也。齊策曰。歸於何黨矣。釋名曰。上黨黨所也。在山上其所最高。故曰上黨也。侯黨設侯之反也。之在其西五步。故云居侯黨西五步。六尺爲步。五六三丈。經言居侯黨西五步。故注言去

侯西三丈也。不云北幾步者。參分侯道之一。爲去侯北十六步。又六分步之四。奇數不成步。不可以步言。故不云北幾步。而云參侯道之一也。云參侯道之一。則南北之度已明。而猶未及東西之度。故又云居侯黨西五步也。傳寫者誤倒之一二字於侯黨下。於是之參侯道遂成不了之語。而居侯黨西五步。六字之間。雜以他句之字。頓使文義隔絕。且有參而後有一。不於參侯道言一。而於居侯黨言一。則文不成義矣。賈氏敖氏不能釐正。但據已誤之本。多方牽就。而卒不可通。豈知依注以考經。其脈絡本自分明。百世而下。猶可改而還其舊邪。

三耦拾取矢

三耦拾取矢皆祖決遂執弓進立于司馬之西南儀禮
經傳通解曰此拾取矢字疑衍鄭氏東原曰下乃云司
射作上耦取矢因序上射下射取矢之儀繼云三耦拾
取矢亦如之此三當爲二則此惟祖決遂未拾取矢明矣此
句拾取矢三字當是因上文遂命三耦拾取矢而衍引
之謹案拾取矢非衍字也上文旣云命三耦拾取矢則
自皆祖決遂以下皆言三耦拾取矢之事故承上文以
起下文曰三耦拾取矢言三耦之拾取矢也始而祖決
遂執弓以待拾取矢旣而士耦拾取矢旣而中下二耦

相繼拾取矢。是之謂三耦拾取矢矣。三耦拾取矢五字之意。直貫至下文三耦拾取矢亦如之句。非特爲皆祖決遂三句而設也。皆祖決遂之時。尙未拾取矢也。而其
事歸於拾取矢。則統謂之三耦拾取矢。猶主人戒賓之時。尙未射也。而其事歸於射。則統謂之鄉射之禮耳。且
下文眾賓未拾取矢。皆祖決遂執弓。與此三耦拾取矢皆祖決遂執弓。相對爲文。不得以爲衍字。

眾賓未拾取矢

眾賓未拾取矢。皆祖決遂執弓。摺三挾一。鄭注曰。未猶不也。眾賓不拾者。未射無楅上矢也。言此者。嫌眾賓

三耦同倫。初時有射者。後乃射。有拾取矢禮也。疏曰。云未猶不也者。以其弟一番。惟有三耦射。無賓射法。不得云未。是以轉爲不。以其全不拾取矢也。引之謹案。後有拾取矢禮。故經不言不而言未。未之云者。此時雖不拾取矢。而後此終將拾取矢也。下文曰。祔賓繼拾取矢。是也。若直言不。則有以別於三耦之拾取矢。而無以見夫後此之祔賓拾取矢矣。上文云未旅。以射後始旅。酬也。獲而未釋。獲以三耦射中始釋。獲也。賓主人與大夫皆未降。以三耦卒射。乃由其階降也。此云未拾取矢亦然。欲見後此之祔賓拾取矢。故於此時言未拾取矢也。注

尙未達經意。

二大夫媵爵如初

燕禮小臣又請媵爵者。句二大夫媵爵如初。各本竝同。唐石經大夫下重出大夫二字。石經考文提要曰。案前經小臣作下大夫二人媵爵。媵爵者昨階下云云。疊媵爵二字。此疊大夫二字。例同。下經射人乃升大夫大夫皆升。亦疊大夫二字。今從唐石經。家大人曰。此說非也。前經小臣作下大夫二人媵爵。絕句。則下句自當疊媵爵三字。下經射人乃升大夫。絕句。則下句亦當疊大夫二字。此經小臣又請媵爵者。二大夫媵爵如初。以首字

絕句。二大夫屬下讀。則不當疊大夫二字矣。若以二大夫屬上讀。則文不成義。燕義正義引此經。小臣又請膳爵者。亦以者字絕句。上經小臣請執冪者。與羞膳者。膳宰請羞于諸公卿者。小臣請膳爵者。請致者。皆以者字絕句。則二大夫之不屬上讀明矣。唐石經疊大夫二字。非。校勘記曰。疏讀二大夫膳爵如初。爲句。則不疊大夫二字。大射亦不疊。又曰。前經小臣請膳爵者。公命長。小臣作下大夫二人膳爵云云。此經不言公命。不言小臣作。俱省文也。

爲大燭

宵。則庶子執燭於阼階上。司宮執燭於西階上。甸人執

大燭於庭。閭人爲大燭於門外。唐石經閭人句內無大字。唐石經校文曰。犬射儀無大字。明此亦當無。又此節注與大射儀注正同。唯作燭作大燭爲異。犬字當是後人校增。疏云。此閭人爲大燭於門外。亦是大燭在地者。兩大字亦非。賈氏本文。何以明之。周禮司烜氏共墳燭庭燎。注。樹於門外曰大燭。於門內曰庭燎。門外之文。與此句相當。而彼疏但引上句句人爲大燭於庭。不引此句。爲此非大燭也。以是明之家大人曰。嚴說是也。案注云。庭太燭爲位廣也。庭位廣。故特用大燭。則門外不用大燭矣。疏云。詩庭燎之光。毛云。庭燎。犬燭也。鄭云。夜未

央而於庭設大燭。並指此甸人執大燭之文也。以上賈疏大燭專屬甸人。則闔人所爲者非大燭矣。後人或於司烜氏注樹於門外曰大燭之文遂於此句及注疏內各加大字。既不合大射經文。又與本注本疏相抵牾。斯爲謬矣。小雅湛露正義及初學記器物部引燕禮皆作闔人爲燭於門外無大字。正義又云。彼兩階與門言燭。唯庭言大燭。此尤其明證也。孫氏頤谷讀書脞錄反據後人妄加之字以證經文。其失也惑矣。

賓爲苟敬

記若與四方之賓燕。則公迎之于大門內。揖讓升。賓爲

荀敬席于阼階之西北面有胾不啻肺不啻酒其介爲賓鄭注曰苟且也假也主國君饗時親進醴於賓今燕又宜獻焉人臣不敢褻煩尊者至此升堂而辭讓欲以臣禮燕爲恭敬也於是席之如獻諸公之位言苟敬者賓實主國所宜敬也敖繼公集說曰苟誠也實也賓於是時雖不爲正賓而實爲主君之所敬故以賓爲苟敬也漢氏次仲禮經釋例引戴氏東原曰說文苟自急敕也音棘從艸省與苟且字不同引之謹案敖氏戴氏之說皆非也下文與卿燕則大夫爲賓與大夫燕亦大夫爲賓注曰不以所與燕者爲賓者燕爲序歡心賓主是

也是主人於賓。惟主恭敬而少歡心。今賓既辭爲賓而
就諸公之位。則歡心多而敬少。既不可專事恭敬。又不
可全不敬。故謂之苟敬也。上文賓取肺坐。絕祭。啐之。又
下啐酒。則其禮
殺於賓可知。聘禮記燕則上介爲賓。賓爲苟敬。注曰
燕私樂之禮。崇恩殺敬也。賓不欲主君復舉禮事禮已
於是辭爲賓。君聽之。從諸公之席。命爲苟敬。苟敬者。主
人所以小敬也。是苟敬有崇恩殺敬之義。命爲苟敬者。
所以別於正賓之全主敬也。若訓爲主君之所誠敬。及
目急救而敬賓。則與正賓之全主敬者無以異矣。非經
意也。

栗階

凡公所辭皆栗階。凡栗階不過二等。鄭注曰：栗，蹙也。謂急趨君命也。其始升猶聚足連步。越二等。左右足各一發而升堂。疏曰：凡升階之法有四等。連步一也。栗階二也。蹙階三也。蹙階謂從下至上皆越等無連步。若禮記檀弓杜蕢入寢蹙階而升是也。越階四也。越階謂左右足越三等。若公羊傳云：趙盾避靈公，蹯階而走是也。引之謹案：栗階卽蹙階也。古栗蹙聲近而通。考工記：栗氏爲量。古文栗或作蹙是也。古音栗在質部，蹙在支部。二部之字或相通。若士冠禮古文：甬爲密。周官大司寇

故書蹕作避是其例也。密學在廣部記云栗階不過二

等則歷階亦當然賈氏失之。

度尺而午

大射儀工人士與梓人升自北階兩楹之間疏數容弓若丹若墨度尺而午鄭注曰一從一橫曰午謂畫物也疏曰度尺者卽鄉射記從如筭三尺橫如武尺二寸是也引之謹案度尺者其度一尺也度尺而午者從度一尺橫度亦一尺也大射爲諸侯之禮故不與鄉射同若仍以鄉射之物解之則經文何不云從三尺橫尺二寸而但云度尺邪考工記玉人之事璧羨度尺鄭彼注曰

羨猶延其袤一尺是度尺爲度一尺之明證再以設乏
例之鄉射之乏去侯北十丈西三丈從長而橫短猶物
之從三尺橫尺二寸亦從長而橫短也大射之乏去侯
西北皆十步十步爲六丈六尺爲步從與橫等猶物之度尺
而午亦從與橫等也大射之物與鄉射異度猶大射之
乏與鄉射異度也鄭注鄉射記不引度尺而午注大射
儀不引物長如筈距隨長武則其不同可知賈氏未達
鄭意耳

柶復

揚觶柶復鄭注曰柶復謂矢至侯不箸而還復引之謹

案注內至字。正釋梱字。廣雅曰。梱至也。梱與梱同聲。梱之爲至。猶梱之爲至也。疏及釋文皆不之及。蓋未達注意。

及期夕幣

聘禮及期夕幣引之謹案。凡言期者皆行事之正日。冠士

禮前期三日。疏曰。冠日爲期。上昏禮注曰。行聘禮之正期。取妻之日。周語韋注曰。期將事之日也。

日尙在鄰國。此則將聘而遣使。非行聘之正日。且在使

者未行之前。亦非遣使之正日。下文使者載旂帥以受命于朝云云。乃遣使之

正不得稱期也。期字蓋後人所加。當以及夕幣連讀。夕

幣乃禮之節次。故言及以明之。猶此篇之記言及享。周

官司儀言及將幣也鄭注曰及猶至也夕幣先行之日夕陳幣而視之重聘也但釋及夕幣三字而不及期字賈疏亦然則經文無期字明矣唐石經誤衍此字而後人因之非也敖繼公不能釐正乃牽就其說曰此云及期則上亦富有請期告期之禮文略耳案夕幣非行事之正口本下可以言期何須請期告期乎敖說誤甚。

遂以入竟

君使士請事遂以入竟入竟斂櫜家大人曰上竟字因下竟字而衍故鄭注曰遂以入因道之入下無竟字下及下大夫勞者遂以賓人與此遂以入文同一例則無

竟字可知。且賓至于竟則止道之。至于近郊則下大夫
道之。是自近郊以外皆士道之也。士道之則下文曰入
竟曰及郊曰及館曰至于近郊皆在遂以入三字中。非
但道之入竟而已也。然則遂以入下不當有竟字明矣。
下文大夫以賓入亦非止道之入近郊。經曰大夫帥至于館故
亦統言之曰遂以賓入也。賈疏之述經文亦當作遂以
入。今本入下有竟字。則後人據已衍之經文加之也。疏
曰君使士請謁乃道以入竟。竟字亦後人所加。下文大夫勞者遂以賓入。彼
疏曰案上君使士請遂以賓入。入下無竟字。故知此疏
亦無竟字也。聘義正義引此文曰君使士請事遂以入。

入下亦無竟字。自唐石經始衍竟字。而各本遂沿其誤。周語朱明道本。敵國賓至。闕尹以告。韋注云。遂以入竟告也。此釋正文以告二字。今本國語刪去告也二字。存遂以入竟四字。以從聘禮。不知聘禮原無竟字。且聘禮之遂以入。指土言之。非指闕人言之。此誤之又誤也。

志趨

記賓將授志趨。鄭注曰。志猶念也。念趨謂審行步也。孔子之執圭。足蹢蹢如有循。下文曰。下階再三舉足。又趨。注曰。至此云舉足。則志趨卷豚而行也。引之謹案。鄭以志趨爲卷豚而行。是也。其訓志爲念。則失之。志者微也。玉藻曰。卷豚行不舉足。不舉足。則趨步微小。故曰志趨。樂記曰。志微噍殺之音作。志微噍殺四字平列。則志與

微同義鄭彼注訓志爲意亦失之素問陰陽類論曰大陰伏鼓不浮上空志心王冰注曰脈伏鼓擊而不上浮者是心氣不足故上控引於心而爲病也志心謂小心也刺禁論曰七節之傍中有小心此之謂也是古人謂微小爲志也古字志與職通楚辭九章章書職志說文曰職記微也義亦同。

舍息 舍氣

下階發氣怡房鄭注曰發氣舍息也又及享發氣焉盈容注曰發氣舍氣也兩舍字釋文無音家大人曰舍皆讀爲舒謂發舒其氣也說文舒從予舍聲小雅何人斯

篇亦不違舍。與車盱爲韻。左氏春秋哀六年齊陳乞弑其君荼。釋文荼音奇。公羊荼作舍。史記律書舍者日月所舍舍者舒氣也。此皆古人讀舍爲舒之證。

禽羞俶獻比歸大禮之日

禽羞俶獻比歸大禮之日。旣受饗餼請覲訝帥之。自下門入。鄭讀禽羞俶獻比爲句。注曰。比放也。其致之禮如乘禽也。引之謹案。全經之例。兩事相若者。則云亦如之。或云如某事之禮。無言比者。竊疑比字本屬下句。讀當如比及三年之比。言比及歸大禮之日。旣受饗餼乃請覲也。禽羞俶獻之下。蓋有脫文。今不可考矣。

至再拜

公會大夫禮公當楣北鄉至。再拜賓降也。公再拜。鄭注曰。至再拜者。興禮俟賓。姑其來也。公再拜。賓降矣。疏曰。至再拜者。公已一拜。賓卽降下。公再拜者。賓降後又一拜。雖一拜。本當再拜。故皆以再拜言之。引之謹案。一拜之時。豈得遽謂之再拜。賈說非也。至再拜。再當爲壹。因下公再拜而誤也。至壹拜者。賓至階上。公則壹拜也。先言壹拜。後言再拜。序也。聘禮及此篇下文皆言公壹拜。賓降也。公再拜。此不當有異。鄭注聘禮及下文公壹拜。賓降。皆云不俟公再拜。而此獨無之。則所據本已誤作。

至再拜矣。敖繼公集說謂賓降之上脫公壹拜之文。此說尤非也。至再拜卽至壹拜之譌。何須又言公壹拜乎。若謂至再拜爲總括下文之詞。公壹拜賓降也。公再拜乃申言上文之再拜。則十七篇中無此重沓之文。聘禮及此篇下文公壹拜之上。何不聞總括其詞曰再拜乎。

賓栗階升

公降一等。辭曰。寡君從子。雖將拜興也。賓栗階升。唐石經無賓字。戴校集釋曰。考此句承上賓西階東北面荅拜。不必更言賓。唐石經無賓字者是。今從之。校勘記曰。案上有公降一等云云。則此賓字不宜刪。燕禮公有命

節疏引亦有賓字。石經非也。家大人曰。案燕禮疏引此云。公降一等。辭賓升。此約舉其文耳。不必字字皆同云。賓升者。加一賓字。取其易曉。上文疏引此亦加一賓字。非此文實有賓字也。聘禮君降一等。辭擯者曰。寡君從子。雖將拜起也。與此文略同。而下句但云栗階升。無賓字。亦是承上賓降階東拜送而省也。以彼證此。則無賓字者是。

匹馬卓上

觀禮匹馬卓上。九馬隨之。鄭注曰。卓猶酌也。以素酌一馬以爲上。引之謹案。十馬不應異色。馬色亦不應獨尙白。白顛之馬謂之酌顛。又不得單謂之酌。謂之卓也。鄭

說殆未安。今案卓之言超也。絕也。獨也。上前也。卓上者

超絕其類。獨行而前之謂也。廣雅超絕也。李善西都賦

注。超躒

超與躒同。敕角切。

猶超絕也。匡謬正俗曰。躒者謂超躒

不依次弟。超躒與卓古竝同聲。其義一也。莊子大宗師

篇。彼特以天爲父。而身猶愛之。而況其卓乎。郭象注曰。

卓者。獨化之謂也。秋水篇。吾以一足跨卓而行。漢書河

隄獻王傳。贊卓爾不羣。說苑君道篇。蹕然獨立。

蹕。敕說角切。

交。躒

竹角切。

特止也。徐鉉傳曰。特止卓立也。蹕與躒卓古

亦同聲。皆獨貌也。卓上猶云獨前耳。古者上與前同義。

詳見詩兩服上。襲下。

在前謂之上。行而向前亦謂之上。此與下文

中庭西上之上殊義

異姓小邦

覲禮同姓大國則曰伯父其異姓則曰伯舅同姓小邦則曰叔父其異姓小邦則曰叔舅家大人曰異姓大國曰伯舅不言大國者蒙上而省也然則異姓小邦曰叔舅小邦亦當蒙上而省今本有小邦二字者卽涉上句而衍周官大宰疏引此有小邦二字則賈所見本已然不始於唐石經矣康王之誥正義文侯之命正義小雅伐木正義隱五年左傳正義引此皆作其異姓則曰叔舅則孔所見本無小邦二字於義爲長。

右縫

喪服冠繩纓傳曰冠繩纓條屬右縫冠六升唐石經校
文曰案釋文所列傳文條屬之後卽繼以六升至爲注
作音始云右縫扶弄反下左縫出縫皆同疏釋傳文亦
不及右縫至釋鄭注始有之則右縫二字乃鄭注非傳
也家大人曰嚴說是也鄭注雜記云條屬者通屈一條
繩若布爲武垓下爲纓屬之冠右縫者右辟而縫之彼
注兼釋右縫此注獨釋條屬而不釋右縫則傳文之無
右縫益明矣且雜記之右縫對小功以下左縫言之此
無小功以下左縫之文則無庸言右縫也唐石經自繩

以下。升以上共闕七字。字數與今本同。則唐石經已衍此二字矣。太平御覽禮儀部二十六引此無右縫則朱初本尙有不誤者。

公士 公卿大夫室老士貴臣

公士大夫之眾臣爲其君布帶繩屨。鄭注曰。士卿士也。公卿大夫厭於天子諸侯。故降其眾臣布帶繩屨。貴臣得伸。不奪其正。又傳。公卿

此二字後人所加。

大夫室老士貴臣

其餘皆眾臣也。君謂有地者也。眾臣杖不以卽位。近臣君服斯服矣。注曰。室老家相也。士邑宰也。引之謹案此篇言公者皆謂諸侯。無謂公孤者。公之外。但言大夫士。

無言卿者

下文大夫為舊君疏曰不言公卿及孤者詩云三事大夫則三公亦號大夫則大夫中絕

兼之

徧考書傳亦無稱公卿為公士者鄭說非也今案

公士二字當絕句

鄉射禮詔大夫與則公士為賓玉藻公士摯

公士與大夫

之眾臣相對為文言公之士為公布帶繩屨降於大夫

之絞帶菅屨大夫之眾臣為大夫布帶繩屨降於室老

之絞帶菅屨也喪大記君之喪大夫食粥士疏食水飲

大夫之喪室老食粥眾士疏食水飲鄭彼注曰室老其

貴臣也眾士所謂眾臣

聘禮大夫餼賓大牢米八簋老率牛以致之土介亦如之眾介

皆少牢米六簋皆士率羊以致之老謂室老士大夫之

貴臣士謂眾士即眾臣也鄭彼注云士亦大夫之貴臣

蓋以士為邑宰不知聘禮之士乃喪大記所謂眾士其

喪服之室老士也室老士即室老非謂室老與邑宰也

辨見下。是公之士異於大夫。猶大夫之眾臣異於室老也。

公之大夫與大夫之室老爲其君會粥則服絞帶菅屨。

公之士與大夫之眾臣爲其君疏食水飲則服布帶繩

屨。此等殺之相準者也。雜記。大夫次於公館以終喪。士練而歸。大夫居廬。士居堊室。其

等殺亦與此同。下文公妾大夫之妾爲其子。公爲適子之長殤

中殤。大夫爲適子之長殤。公之庶昆弟。大夫之庶

子爲母妻昆弟。大夫之妻。大夫之子。公之昆弟爲姑姊

妹。女子子嫁於大夫者。公之昆弟。大夫之子爲其昆弟

庶子。姑姊妹女子子之長殤皆以公與大夫相對爲文。

是其例矣。傳內公卿二字因注而加也。賈疏。頻言公卿大夫。則所據本

已行公卿二字蓋注誤以公士爲公卿。後人遂加公卿二字於

傳矣。不知喪服一篇屢言公大夫士。公則諸侯。士則一命者也。作傳者何至忘其體例。而以公士爲公卿乎。其非傳文所有明甚。大夫室老士貴臣。室老士三字當連讀。謂士之爲室老者也。喪大記大夫之喪。室老食粥。眾士疏食水飲。非室老者。謂之眾士。則室老亦士矣。室老士。乃眾士中之貴者。故曰大夫室老士貴臣。其餘皆眾臣也。不直曰室老。而曰室老士者。欲明大夫之貴臣與眾臣皆以士爲之。故云室老士。言室老士。則眾臣亦士矣。鄭以士爲邑宰。大夫邑宰而稱士。何以別於經文之

公士乎。又何以別於眾士乎。且室老邑宰職也。士爵也。貴臣中若有邑宰。則當稱其職曰邑宰。以與室老相匹。今於室老則稱其職。而於邑宰則又不稱其職。而稱其爵曰士。無是理也。下記曰。君之所爲兄弟服。此君謂室老降一等。喪大記曰。大夫之喪。主人室老子姓皆會。無言邑宰者。不得如鄭所云也。眾臣杖不以卽位。近臣君服斯服矣。舉大夫之眾臣。近臣以該公之眾臣。近臣也。公之眾臣。則士也。喪服小記曰。近臣君服斯服矣。其餘從而服。不從而稅。鄭注曰。謂君出朝覲不時。反而不知喪者。服問曰。君之母非夫人。則羣臣無服。唯近臣及

僕驂乘從服唯君所服服也。則君服斯服者。諸侯之近臣如是。大夫之近臣亦得如之耳。故言大夫之眾臣近臣而公可知矣。君謂有地者也。此釋大夫亦得稱君之義。若公之爲君。義本眾簪。故傳略而不言。非謂經文君字但謂大夫也。

櫛笄

喪服記傳惡笄者。櫛笄也。鄭注曰。櫛笄者。以櫛之木爲笄。或曰榛笄。疏引玉藻沐櫛用櫛。櫛髮晡用象櫛。以釋之云。彼櫛櫛與象櫛相對。此櫛笄與象笄相對。故鄭云。以櫛之木爲笄。又釋之云。櫛榛二木俱用。故鄭兩存之。

引之謹案榛木不得謂之櫛沐所用之櫛亦有象櫛但
云櫛并何以別於下文之象并。且櫛木爲并則直稱櫛
并可矣何必迂回其文而言櫛并乎。鄭賈說皆失之。今
案櫛當讀爲卽卽柞木也柞木粗惡故以爲喪并爾雅
曰櫛采薪采薪卽薪舍人曰櫛名采薪又名卽薪樊光
曰荊州柞木曰采木是采薪卽薪皆柞木之別名也單
言之則或曰采或曰卽韓子五蠹篇之采椽。及此傳之
櫛并是也說詳爾雅采薪卽薪下。

纁緇約純

士喪禮夏葛屨冬白屨皆纁緇約純識誤曰案釋文云

緇純中無絢字。鄭氏注周禮屨人全引此文亦無絢字。今有絢字。後人加之也。從釋文家大人曰。張說是也。或以疏中緇絢純並舉而謂經文當有絢字。非也。疏以鄭引士冠禮緇絢純。故並釋絢字。乃釋注。非釋經也。屨人注引此文作皆緇緇純。疏云緇純。純用緇。是鄭陸賈所見經文皆無絢字。唐石經有絢字。卽涉注文緇絢純。純而衍。

用二鬲

夏祝鸞餘飯用二鬲。家大人曰。用二鬲上當有盛字。釋文不爲盛字作音。則陸本無盛字。唐石經及諸本無盛

字從陸本也。疏云：前商祝奠米飯，米夏祝徹之。今乃盛
之而盛於鬲。又周官舍人疏引此文云：鬻餘飯盛以二
鬲。以用古字通說見周則賈本有盛字。太平御覽禮儀
易終不可用也下部二十七引此作盛用二鬲從賈本也。案鬲所以盛鬻
若無盛字則文義不明。先鄭司農注周官小祝引此文
云：鬻餘飯盛以二鬲。是先鄭所見本有盛字。

鰾鮓 絺布

引之謹案：士喪禮陳三鼎于門外北上，豚合升，魚鰾鮓
九。士虞禮記升魚鰾鮓九，實于中鼎。魚鰾鮓九者，或用
鰾，或用鮓，其數皆九也。當以魚鰾鮓爲一句，尤爲一句。

升魚鱠九當以升魚鱠爲一句。九爲一句。魚鼎或
鱠或鮓而兼言鱠鮓猶冪尊或絺或布而兼言絺布也。
下見當其用鱠則不用鮓當其用鮓則不用鱠矣否則鱠
鮓並用於一。時而欲合其數爲九孰多孰少安所得而
中分之乎。鄭注賈疏皆未之及。故略言之。又士虞禮尊
于室中北墉下。當戶。兩甒醴酒冪用絺布。鄭注曰絺布
葛屬疏曰絺綌以葛爲之布則以麻爲之。今絺布並言
則此麻葛雜。故有兩號是以鄭云葛屬也。謹案冪用絺
布者夏用絺冬用布也。燕禮冪用給若錫。鄭彼注曰冬
夏異也。疏曰夏宜用給冬宜用錫大射儀冪用錫若絺

注曰。錫細布也。絺細葛也。以此例之。幕用絺布。猶言幕用絺若布耳。絺用於夏。布用於冬。不同物也。少牢饋食禮。日用丁已。亦是或丁或已。唯其所用。與此幕用絺布。文義正同。鄭合絺布爲一物。非也。

眾人

士喪禮下篇主人從升。婦人升東面。眾人東卽位。唐石經。眾人作眾。主人集說云。今本脫主字。以記者之可見。盧氏抱經儀禮詳校曰。疏疊經文亦無主字。下云。自眾主人以下。云以下。則不專指眾主人。作眾人者是也。家大人曰。盧說非也。士喪禮全篇皆言眾主人卽位。眾主

人復位無言。眾人者亦無言。眾主人以下者。此文與上篇眾主人東卽位同。故鄭注云：東方之位。賈疏本云：眾主人東卽位者，唯主人主婦升。眾主人從柩至西階下。遂鄉東階下卽西面位。今本眾主人東卽位者，無主字。眾主人從柩作自眾主人以下從柩，多自以下三字。後加此三字以牽合眾人二字而廬遂爲其所惑。皆後人據已誤之經增刪未誤之疏。賈氏無此謬也。後記云：主人升柩，東西面。眾主人東卽位。婦人從升，東面。與此文略同。彼疏云：云眾主人之時，在西階下東面，其上柩升。主人從升。眾主人乃卽阼階下西面位。說與此疏同。今本作眾主人以下乃卽阼階下西面位以下二字亦。則此文本作眾主人明矣。後人所加顯與記文不合。

通典禮四十五正作畧主人東卽位當從唐石經

竹箬蓋

燕器。杖笠。裴鄭注曰笠竹箬蓋也。疏曰箬竹之青皮集

韻音敷家大人曰箬蓋箬字之譌。

箬之爲箬因與笠竹等字相涉而誤考說

文玉篇廣韻俱無箬字。唯集韻有箬字。訓爲竹青皮。則北宋本儀禮注已誤作箬。

郭璞爾雅注。

箬音敷。箬之言皮膚也。故賈疏以爲竹青皮。說文篋竹

膚也。經音義引埤倉曰篋析竹膚也。膚與敷古同聲。

集韻音敷。卽本於釋文。今本釋文箬字無音。傳寫遺脫。

耳錢氏曉徵荅問謂箬當作筠。案筠與箬字不相似。若

本是筠字。無緣誤爲箬也。或曰說文祭析竹篋也。篋竹

膚也。茶字。或作條。因譌而爲箸。案字書韻書皆無條字。謂茶或作條。不知所據何書也。

著用茶

記苗著用茶。鄭注曰。茶茅秀也。釋文著字無音。引之謹案。著讀爲褚。謂以茅秀實苗中也。夏小正。七月灌茶。傳曰。灌聚也。茶萑葦之秀爲蔣。褚之也。廣雅曰。苗薦蔣席也。案以萑葦之秀。褚蔣猶以茅秀。褚苗。故夏小正。四月取茶。此謂茅秀傳曰。茶也者。以爲君薦蔣也。褚與著古字通。上篇說帳目之制。云著組繫。注曰。著充之以絮也。著亦與褚同。

猴矢 志矢

猴矢一乘骨鏃短衛志矢一乘。軒輶中亦短衛識誤曰。案釋文猴字上更有一矢字。從釋文盧氏抱經儀禮音義攷證曰。本作矢猴矢。後人刪去上一矢字耳。上矢字爲下猴矢志矢作目。非衍文也。家大人曰。猴矢一乘。本作矢。句。猴一乘。志矢一乘。本作志一乘。猴與志皆承上矢字言之。故不更言矢。今本猴上無矢字。而下文作猴矢志矢者。矢猴誤作猴矢。後人不達。又於志下加矢字。以對猴矢耳。自唐石經已然而各本皆沿其誤。案釋文出矢猴二字而釋之云音侯。又音候。是陸本猴上有矢

字而猴下無矢字。若猴下有矢字。則當出猴矢二字。不當出矢猴二字矣。又案鄭注云。猴猶候也。候物而射之矢也。則正文但言猴而不言猴矢可知。注又云。志猶擬也。習射之矢。書曰。若射之有志。則正文但言志而不言志矢。又可知。又賈疏云。引尙書盤庚者。證志爲準擬之事。又云。前重後輕者。據殺矢。猴矢。枉矢。絜矢。矰矢。箛矢。而言。此志是恒矢。痺矢。無前重後輕。又周官司弓矢注云。恒矢之屬。軒輅中。所謂志也。正指此文志一。乘軒輅中而言。則志下之無矢字。益明矣。爾雅曰。金鏃翦羽謂之鏃。鏃猴古字通大雅行葦曰。四鏃旣鈞。是鏃矢。但言鏃之。

證也。爾雅曰：骨鏃不翦羽謂之志。是志矢，但言志之證也。張氏盧氏但知上矢字之非衍，而不知下兩矢字之衍。失之矣。後漢書南蠻傳注引此作矢。鏃一乘，鏃上有矢字，而鏃下無矢字。與釋文合。周官司弓矢疏引此作志一乘，無矢字。與彼注此疏皆合。今據以訂正。

右取肝

士虞禮尸左執爵，右取肝，濡鹽振祭，臠之。引之謹案：右字後人所加。尸既左執爵，則取肝之爲右手可知。故省右字。鄭注曰：取肝，右手也。則經文無右字，明甚。若有右字，鄭不須注矣。上文尸祭釂嘗釂，注曰：右手也。士昏禮

賓卽筵坐。左執觶。祭脯醢。注曰。左執觶。則祭以右手也。鄉飲酒。禮賓坐。左執爵。祭脯醢。注曰。祭脯醢者。以右手皆以經無右字。故表而出之也。又上文尸取奠。左執之。取菹。擣于醢下。記尸左執爵。取脯。擣醢。皆以右手取而省右字。

沐浴不櫛

記虞。沐浴不櫛。鄭注曰。沐浴者。將祭自潔清不櫛。未在於飾也。今文曰。沐浴。敖曰。本云沐浴。而鄭注乃云。今文曰。沐浴。則是鄭氏但從古文。元無沐字也。今本記與注首皆云。沐浴。蓋傳寫者誤衍之。宜刪。家大人曰。敖說非。

也。內則云五日則燂湯請浴。三日具沐。是沐多而浴少。既浴則未有不沐者。而敖乃存浴而去沐。一謬也。沐與櫛事相因。既不沐矣。又何須言不櫛乎。而敖乃存不櫛而去沐。二謬也。雜記云。非虞祔練祥。無沐浴。喪服四制云。三月而沐。鄭注。沐謂將虞祭時也。則虞之沐浴明矣。而敖以沐爲衍文。三謬也。疏之釋注。出沐浴至沐浴五字。則注首之有沐字甚明。下文沐浴櫛搔翦疏云。上文虞沐浴不櫛。今祔時櫛。是彌自飾也。則記文之有沐字又甚明。又唐石經及雜記喪服四制正義通典禮四十七。引此文皆作沐浴不櫛。是唐人所見本皆有沐字。而

敖以爲衍文。四謬也。敖以爲衍文者。特未解鄭注。今文曰沐浴五字耳。德清許氏周生曰。今文曰沐浴。蓋無不櫛二字。異於古文耳。下文沐浴櫛搔翦注曰。今文曰沐浴搔翦。是後注言今文無櫛字。此注言今文無不櫛二字。以後證前。而其義自明。此解正合注意足祛敖氏之惑。

降階還

尸謖祝前。鄉尸還出戶。又鄉尸還過主人。又鄉尸還降階。又鄉尸降階還及門。如出戶。鄭注曰。及至也。言還至門。明其閒無節也。降階如升時。將出門如出戶時。皆還。

向戶也。引之謹案下。降階二字。蓋衍文也。當以降階又鄉尸還六字連讀。上文經尸。及階祝延尸。疏引此已作降階還。則其誤久矣。敖繼公集說爲之辭曰。上降階者。祝也。下降階者。尸也。祝先降而鄉尸。及尸既降。祝乃反面而行。今案降階若分祝與尸。則記當云。祝降階。又鄉尸。尸降階還。文義方明。何得上下兩言降階而不爲之區別乎。上文出戶過主人。亦是祝先尸後。何以不兩言出戶。兩言過主人乎。且上文經曰。尸出戶。踊如初。降堂踊如初。出門亦如之。是出戶降階出門皆以尸爲主。何得先言祝降階乎。敖說非也。又案注內降階如升時五

字。當是後人所加。降階時祝在尸前。故以還鄉尸爲節。升階則祝在尸後。不得有還鄉尸之節矣。鄭注上文經尸及階祝延尸曰延。進也。告之以升。注特牲饋食禮祝延尸曰。在後詔侑曰延。少牢饋食禮祝延尸尸升自西階入。祝從注亦曰。自後詔侑之曰延。是升之與降絕不相同。安得曰降階如升時皆還鄉尸乎。且注曰及至也。言還至門。明其閒無節。是釋還及門相連之義。又曰。將出門如出戶時皆還鄉尸。是釋及門如出戶之義。中間亦不得有降階如升時之語。此必非鄭注原文也。疏曰。經雖不言降階如升時以將出門如出戶時。明降階如

升時。故鄭約出門以明降階也。則賈所據本已增此五字矣。

普淖 明齊 普薦

祝辭曰敢用絜牲剛鬣香合嘉薦普淖。明齊。淖酒。鄭注曰。豕曰剛鬣。香合黍也。大夫士於黍稷之號。合言普淖而已。此言香合蓋記者誤爾。辭次黍又不得在薦上。鄭謂先設菹醢。次設俎。後設黍稷。黍不得在嘉薦之上也。今案祝饌之次第。不必盡依陳設之先後。設俎在菹醢之後。而首曰絜牲剛鬣。是不必如其嘉薦菹醢也。普淖先後也。又何嫌於香合之在薦前乎。嘉薦菹醢也。普淖黍稷也。普。犬淖。和也。德能大和。乃有黍稷。此以爲號云。明齊。新永也。言以新水漉釀此酒也。如特牲曰明水淙。

齊貴新也。或曰：當爲明視，謂兔膾也。今文曰：明粢。案粢也，皆非其次。今文洩爲醲，又下文明日以其班。祔曰：用尹祭嘉薦普淂。普薦洩酒。注曰：普薦，銅羹，不稱牲，記其異者。今文洩爲醲，引之謹案：水不可謂之齊，郊特牲云：明水浼齊。又云：祭齊加明水，則明水與齊爲二。不得謂明水爲明齊也。敖繼公以明齊爲醲齊案下。文之洩酒舉酒以該醲也。祔祝辭但言洩酒而不言醲，與此同。明齊非謂醲也。古無謂醲齊爲明齊者。洩酒之洩，今文作醲。鄭注：聘禮曰：醲白酒也。下祔祝辭單言洩酒，則洩酒乃酒名，不連明齊爲義，亦不得云以新水洩釀此酒也。明齊二字疑當在香台之上。寫者錯亂在下。耳。絜牲剛鬣，明齊香。

合相對爲文據今文作明粢則齊爲粢盛之粢明甚

明粢

非稷也曲禮稷曰明粢乃後人所加辨見程氏通藝錄字通作盞春官大祝辨六

號四曰牲號五曰盞號此云絜牲剛鬣所謂牲號也明

齊香合所謂盞號也剛鬣香合乃其專號絜牲明齊則

其總號也明猶絜也

見小雅楚茨箋祭統中庸注郊特牲云其謂之明水也由主人之絜

著此明齊絜粢也桓六年左傳絜粢豐盛是也周官司

烜氏其祭祀之明盞明燭鄭注曰欲得陰陽之絜氣也

明盞與明齊同小雅甫田篇以我齊明與我犧羊以社

以方傳曰器實曰盞在器曰盛箋曰以絜齊豐盛

絜字正訓

明字與我純色之羊秋祭社與四方齊明卽明齊倒文以

爲韵耳。明齊兼有黍稷而但曰香合者。舉黍以該稷也。簋實尊黍。言其尊者耳。特牲饋食禮。佐食搏黍授祝。注

曰。獨用黍者。食之主是黍。尊於稷也。明齊香合。已言黍

矣。不。得。又。以。普。淖。爲。黍。稷。

如注云。德能大和。乃有黍稷。是大和爲有黍稷之由。不得

遂謂黍稷爲大和也。桓六年左傳。奉牲以告曰。博。碩。肥。腍。謂民力之普存也。豈得遂謂牲爲普存乎。淖者。

濡且濁之稱。廣雅淖溼也。又曰淖濁也。爾雅釋言。釋文

引字林曰。淖。濡甚也。管子水地篇。夫水淖弱以清。呂氏

春秋別類篇。淖水淖合。兩淖則爲蹇溼之則爲乾。金

柔錫柔。合兩柔則爲剛。燔之則爲淖。淮南原道篇。甚淖

而淖。高誘注曰。饘粥多瀋者謂之淖。

今本作淖。誤。昭七年左傳。釋文引孫

災爾雅注。曰醬是淖爲濡且濁之稱也。釋名曰羹汪也。淖康也。是其證。

汗汪卽也是羹爲濡且濁之物也。淖又訓和。和味者莫

如羹。商頌烈祖曰。亦有和羹。鄭司農注。亨人曰大羹。不

致五味也。銅羹加鹽菜矣。是銅羹乃和五味。普淖之名

非銅羹不足以當之也。經曰。設一銅于豆南。豆則嘉薦

銅則普淖也。故祝辭連言之。銅羹已謂之普淖矣。則祔

祝辭之普薦非銅羹也。黍稷謂之明齊。今云普薦則亦

非兩敦黍稷也。房中之饌豆籩銅見特牲饋會禮。俎設于豆東。

敦設于俎南。尹祭爲籩實肅筵。嘉薦爲豆實。普淖爲銅

實。則普薦爲俎實與。特牲饋會禮。俎入設于豆東。魚次

腊特于俎也。祔禮如特牲饋食。

見則所謂晉薦者當謂

牲與魚腊之俎也。虞祝言絜牲剛蠲則不言晉薦。祔祝

言晉薦則不言牲。明晉薦中已兼有牲矣。祭義曰薦其

薦俎。

下薦字。謂豆。

周語王公立飫則有房烝。宣十六年左傳

作享有體薦正義曰。注國語者皆云半解其體而升於俎。謂之房烝。傳言體薦即房烝也。是俎亦得謂之薦。

始虞祝辭義文 祔祝辭脫文

哀薦祫事適爾皇祖某甫饗。鄭注曰。始虞謂之祫事者。主欲祫先祖也。以與先祖合爲安。今文曰合事。爾女也。女外者。告之以適皇祖所以安之也。疏曰。卒哭後乃有

祔祭始合先祖。今始虞而已言祫者。鄭云。以與先祖合爲安。故下文云。適爾皇祖某甫。是始虞預言祫之意也。引之謹案。下文卒哭祝辭曰。哀子某來。曰某。隋祔爾于爾皇祖某甫。是卒哭之祭。始告以明日祔於皇祖。不應始虞而已言之也。且凡祭之祝言薦某事者。皆謂此日祭祀之事。少牢饋食禮之歲事。及此篇再虞三虞之虞事。卒哭之成事。小祥大祥之祥事。無不皆然。不應舍此日之虞而稱將來之祫也。始虞爲虞之始。而不稱虞事。至再虞而後稱之。始虞去祔祭甚遠。而預稱祫事。再虞三虞卒哭。去祔漸近矣。而反不稱祫事。而稱虞事成事。先王制禮。豈有如是之顛倒者乎。今案哀薦

祫事。祫當作虞。葬曰虞。爲虞之始。故曰哀薦虞事也。始

虞曰哀薦虞事。下文再虞三虞

三虞二字誤置於卒哭之上。說見下。又曰

哀薦虞事者。明始虞再虞三虞。祝無異辭。猶下文替而

小祥曰薦此祥事。

從古

又替而大祥亦曰薦此祥事。所

以明其同也。其薦祫事之文則當在祔祭祝辭內錯亂

在此耳。

說見下。

皇祖當爲皇考。曲禮曰祭父曰皇考。然則

虞祭當稱皇考矣。蓋本作適爾皇考某甫。因下文祔祝

適爾皇祖某甫之文而誤也。云適爾皇考者。謂以此虞

事適爾皇考之寢而薦之。猶特牲饋食禮云譌此某事

適其皇祖某子也。爾爾皇考也。

用尹祭嘉薦旨渚晉薦馭馭適爾皇祖某甫以濟耐爾
孫某甫伯饗引之謹案適爾皇祖之上當云薦此祫事
祫者合也合於皇祖也薦此祫事適爾皇祖某甫謂以
此祫事適皇祖之廟而薦之猶特牲饋食禮云諏此某
事適其皇祖某子少牢饋食禮云敢用柔毛剛鬣嘉薦
晉淖用薦歲事于皇祖伯某也且虞稱虞事卒哭稱成
事小祥大祥稱祥事而耐獨不稱所薦之事非祝辭之
例矣故薦此祫事之當在耐祭可以他祭比類而得之
也薦祫事不言哀者上文祝稱孝子子當為孫已是吉
祭之詞雜記曰祭稱孝子孝孫喪稱哀子哀孫不得復稱哀薦當與祥祭

皆稱薦此。蓋薦此某事之文。祔與祥同。所不同者。或稱
祫或稱祥耳。薦此祫事。適爾皇祖某甫。與始虞之哀薦
虞事。適爾皇考某甫。相亂。遂至脫於此而反見於彼。於
是始虞之祝。與祔祭無別。解者雖曲爲之說。而終不可
通矣。

三虞

再虞皆如初。日哀薦虞事。三虞卒哭。他用剛日。亦如初
日。哀薦成事。鄭注曰。後虞改用剛日。士則庚日。三虞王
日卒哭。萬氏充宗儀禮南曰。詳玩記文。始虞用柔日。再
虞皆如初。包有三虞。故于哀薦虞事。下出三虞二字。以

足之。三虞不與下卒哭連讀。檀弓曰：卒哭日成事。故祝辭曰：哀薦成事也。引之謹案：萬說近之矣。而文義未安也。始虞者第一虞。再虞者第二虞也。不得包有三虞三虞者第三虞也。亦非統舉上文之詞。土喪禮下篇有朝夕哭不奠三虞彼三虞乃總括前後虞祭之詞。此三虞承始虞再虞言之。則最後一虞也。始虞再虞三虞猶冠禮言始加再加三加。始醯再醯三醯。皆遞及之詞。且不得但曰三虞而不言其禮也。今三復記文三虞二字當在皆如初上。寫者錯亂在下耳。再虞三虞是兩事。故曰皆如初。皆者統兩事而言之也。上禮及薦饌皆如初亦兼兩事而言。若止再虞一事則但云如初可矣。何得言皆乎。然則再虞皆如初當爲再虞三虞皆如初明

甚鄭不悟三虞爲錯亂在下之文而以三虞卒哭連讀

於是用柔日之三虞誤以爲用剛日矣

敖繼公讀此不審乃以三虞卒

哭爲一事云既三虞遂卒朝夕哭也大誤

雜記上大夫之虞也少牢卒哭成

事附

附與同

皆大牢下大夫之虞也犧牲卒哭成事附皆

少牢鄭彼注曰卒哭成事附言皆則卒哭成事附與虞

異矣是鄭亦謂卒哭成事不與虞同然則三虞當與始

虞再虞同用柔日而稱虞事斷無與卒哭同用剛日而

稱成事之理也學者據雜記之注以正此注可矣

又案三虞二字誤置於卒哭他用剛日之上故漢世說

虞祭者皆以最後一虞爲用剛日而虞祭所歷之日遂

少一日五經異義引古春秋左氏說曰天子九虞十六

日也諸侯七虞十二日也大夫五虞八日也士三虞四

日也

見曲禮正義

蓋謂始虞以下用柔日最後一虞用剛日

則天子之弟九虞在弟八虞之明日而爲十六日諸侯之弟七虞在弟六虞之明日而爲十二日大夫之弟五虞在弟四虞之明日而爲八日士之弟三虞在弟二虞之明日而爲四日矣其實虞祭始終皆用柔日天子九虞凡十七日諸侯七虞凡十三日大夫五虞凡九日士三虞凡五日也今列其說而正之如左。

天子九虞十六日如丁日始虞

上文再虞注曰丁日葬則己日再虞檀弓曰葬

日則己日再虞辛日三虞癸日四虞乙日五虞丁日六虞己日七虞辛日八虞皆用柔日壬日九虞用剛日自始虞至九虞凡十六日今案九虞當在癸日始終皆用柔日也自始虞至九虞凡十七日

諸侯七虞十二日如丁日始虞則己日再虞辛日三虞癸日四虞乙日五虞丁日六虞皆用柔日戊日七虞用剛日自始虞至七虞凡十二日今案七虞當在己日始終皆用柔日也自始虞至七虞凡十三日

大夫五虞八日如丁日始虞則己日再虞辛日三虞癸日四虞皆用柔日甲日五虞用剛日自始虞至五虞凡

八日。今案五虞當在乙日。始終皆用柔日也。自始虞至五虞凡九日。

士三虞四日。如丁日始虞則巳日再虞皆用柔日。庚日三虞用剛日。自始虞至三虞凡四日。今案三虞當在辛日。始終皆用柔日也。自始虞至三虞凡五日。

卒哭他用剛日

鄭注曰。他謂不及時而葬者。喪服小記曰。報葬者報虞三月而後卒哭。然則虞卒哭之間有祭事者亦用剛日。其祭無名。謂之他者。假設言之。敖繼公曰。他者變易之詞。猶今言別也。不用柔日而用剛日。故云他也。引之謹。

案鄭謂他爲不及時而葬者之祭在虞卒哭之間其說誠不安矣。叛以他爲變易之詞若然則經文但云卒哭用剛日已別於虞之用柔日何必枝蔓其詞而云他乎。今案上文始虞用柔日再虞皆如初。再虞下當有三虞二字注曰丁日葬則已日再虞是始虞與再虞間一日癸以是例之則三虞與再虞亦當間一日已日再虞則辛日三虞可知其三虞之明日爲壬日卽是剛日似可卒哭矣然士喪禮下篇曰三虞卒哭明日以其班祔檀弓曰葬日虞弗忍一日離也是日也以虞易奠卒哭曰成事是日也。以吉祭易饗祭明日祔於祖爰其變而之吉祭也。比

至於祔必於是日也。接不忍一日未有所歸也。士喪禮及檀弓皆言祔在卒哭之明日。而不言卒哭在三虞之明日。是卒哭之日與三虞之日不相接也。蓋三虞之明日雖爲剛日。而不以之卒哭。必用明日以後之剛日。乃爲卒哭之日。故不直曰用剛日。而曰他用剛日。明所用者他日。非明日也。如用三虞之明日。則當依明日以其班祔之例。而云三虞明日卒哭。文義始明。不用三虞之明日。則當遠言之。若但云用剛日。則明日正是剛日。無以見所用者之非明日也。此經文之所以云他也。他用剛日。蓋三虞以後之第二剛日也。如辛日三虞。則甲日

卒哭以其差遠於明日之壬日。則謂之他矣。或曰。三虞以後剛日尙多。何以知其必爲第二剛日也。曰。日無常。則當卜筮。今卒哭不聞諏日。是有常日矣。三虞以後避去明日不用。則所用者非第二剛日而何。曰。始虞再虞三虞皆閒一日。而三虞與卒哭乃閒二日。何也。曰。孝子思親朝夕悲哀。不忍卒哭之速。故閒二日而後卒哭也。曲禮喪事先遠日。注曰。孝子之心正義曰。喪事謂葬與二祥。是奪哀之義也。非孝子之所欲。但制不獲已。故卜先從遠日而起。示不立急。微伸孝心也。義與此同。且始虞再虞三虞皆虞也。故皆閒一日。卒哭成事則變而之吉祭矣。故閒二日以別之。雜記曰。士三月而葬。是月也卒哭。大夫三月而葬。五

月而卒哭諸侯五月而葬七月而卒哭又云士三虞大

夫五諸侯七五經異義引古春秋左氏說曰見尚禮正義天

子九虞十六日也當云十七日說見上諸侯七虞十二日也當云十三

日大夫五虞八日也當云九日士三虞四日也當云五日檀弓正

義曰大夫以士卒哭者去虞相校兩月則虞祭既終不

得與卒哭相接是大夫以上三虞與卒哭相隔且以月

計士卑禮殺故相隔以二日也喪服小記謂報葬者報

虞三月而後卒哭蓋卒哭與虞本不相接故報葬之後

可遲至三月而卒哭也若必當相接則報虞之明日已

行卒哭之祭何待三月之久乎此又三虞之明日不即

卒哭之一語矣。說此者必尋討士喪禮檀弓之文而知卒哭之日非三虞之明日。而後經文他字之義較然明耳。

尸俎所俎皆有肩臂

其他如饋食鄭注曰。如特牲饋食之事。或曰。以左胖虞右胖。祔今此如饋食則尸俎所俎皆有肩臂。豈復用虞臂乎。其不然明矣。疏曰。特牲饋食之禮尸俎用右胖解之。主人俎左臂左胖之臂以爲虞祭。以與已同主人豈得復取虞時左胖之臂而用之乎。明不然矣。引之謹案據賈疏則注內所俎當爲昨俎。謂主人俎也。今作所俎者。涉

上注所祖而謬所祖心舌安得有臂乎肩衍字也。特牲饋食記曰尸俎右肩臂。昨俎臂是尸俎昨俎皆有臂也。若肩則尸俎有而昨俎無不得云皆有。

孝子某

孝子某孝顯相引之謹案子當爲孫下文適爾皇祖某甫以隣爾孫某甫皆告祖之辭。爾爾字皆稱其祖非也。鄭注以爲爾告之。非是。上文卒辭曰隣爾爾于爾皇祖某甫已告其父矣。至稱祭則統於尊而告祖不得爾告也。適爾皇祖謂孝孫以此殆事適皇祖之廟而薦之非謂其父適皇祖之廟也。下隣爾爾孫始謂其父於皇祖猶金縢言若爾三王惟爾元孫某也。自稱當言孝耳。不當言孝子蓋因上文三言孝子某而誤。曲禮曰祭

王父曰皇祖考。今所祭之祖於祭者曾祖也。而但謂之皇祖者。王父以上亦得稱爲皇祖。少牢饋食禮。孝孫某來日丁亥。用薦歲事于皇祖伯某。案祭法。大夫三廟曰考廟。曰王考廟。曰皇考廟。皇考。曾祖也。少牢饋食。大夫之禮。而稱皇祖。是謂曾祖爲皇祖矣。魯頌閟宮。美僖公享祀曰。皇祖后稷。又曰。周公皇祖。亦其福女。哀二年。左傳。衛太子蒯聵禱曰。敢昭告皇祖文王。則自始祖以下。皆得稱皇祖也。若皇祖言之。則曰孝孫矣。敖繼公謂以孝子爲稱。主於祔者。方不得其解。而爲之辭。

薦此常事

稱而小祥。曰薦此常事。鄭注曰言常者。替而祭禮也。古文常爲祥。疏曰虞禘之祭非常。一期天氣變易。孝子思之而祭。是其常事。故祝辭與也。引之謹案葬而虞卒哭而祔。皆禮之常者。何以不言常事而小祥獨稱之。鄭賈之說非也。常常依古文作祥。小祥大祥皆祥也。大祥曰薦此祥事。小祥不當有異。特以祥常聲近。故誤爲常耳。曾子問曰宗子爲主。庶子爲大夫。其祭也。以上牲祭于宗子之家。祝曰孝子某爲介子某。薦其常事。若宗子有罪。居于他國。庶子爲大夫。其祭也。祝曰孝子某。使介子某執其常事。然則常事乃春秋祭祀之通稱。小祥不得

稱常事明矣。

乃杜

特牲饋食禮。乃杜。鄭注曰。右人也。左人載之家大人曰。經文當作乃杜載。注當作杜。右人也。左人載之。杜右人也。是釋經杜字。左人載之。是釋經載字也。今本經尾脫載字。唐石經已然而注首又脫杜字矣。下文之卒載。卽承載字言之。則此文當作乃杜載明矣。周官御僕注引此正作乃杜載。杜同士喪禮亦作乃杜載。彼注云。乃杜。以杜次出牲體。右人也。載受而載於俎。左人也。說與此注同。則此注亦當作杜。右人也。明矣。

兩劔莖

及兩劔莖設于豆南譚誤曰及兩劔莖監本云及兩劔
劔莖多一劔字今從諸本唐石經作兩劔劔莖家大人
曰作兩劔劔莖者是也上劔是盛羹之器下劔卽羹也
劔所以盛羹故因謂羹莖爲劔莖後記云劔莖用苦若
薇義與此劔莖同又下文尸祭劔嘗之鄭注云劔肉汁
之有菜和者引曲禮客祭羹主人辭不能亨疏曰以其
盛之劔器因號羹爲劔然則兩劔劔莖猶言兩劔羹莖
故必重一劔字而其義始明若云兩劔莖則是兩劔中
有莖而無羹於文爲不備矣召南采芣正義引此亦作

兩鉶鉶華是唐人所見本皆重一鉶字當從唐石經。

祝命按祭

祝命按祭尸左執觶右取菹換醢祭于豆閒佐食取黍
稷肺祭授尸尸祭之鄭注曰命詔尸也引之謹案尸尊
不可以命徧考士虞特牲少牢三篇無言祝命尸者鄭
說非也今詳審經文祝命按祭四字當在佐食取黍稷
肺祭授尸之上寫者錯亂耳祝命按祭命佐食授按祭
也士虞禮曰尸取奠左執之取菹擣于醢擣與換同祭于豆
閒其下乃云祝命佐食墮祭墮與按同佐食取黍稷肺祭授
尸尸祭之然則此文祝命按祭亦當在佐食取黍稷肺

祭授尸之上明矣。士虞禮。祝命佐食。墮祭。此文但云祝
命授祭。不言命佐食者。因下句佐食取黍稷肺祭而省
其文也。猶士虞禮。祝命佐食。爾敦。此篇則云。祝命爾敦。
亦是因下句佐食爾黍稷而省耳。稷字誤從
辨見下祝命授祭
與佐食取黍稷肺祭相連。則所命者爲佐食可知。故省
佐食之文。若置之尸左執觶之前。則與佐食取黍稷句
相隔太遠。不知所命者爲何人矣。非屬辭之序也。自祝
命授祭。誤倒於尸取菹。換醢之前。遂有古文作搗之誤。
本說者因謂授祭亦兼搗解。並見士
虞禮疏不知授祭從無搗
醢之文。何得以儀禮之授祭。與周官大祝之搗祭混而

爲一乎。

爾黍稷 反黍稷

祝命爾敦。佐食。爾黍稷于席上。據下文佐食搏黍及乃食祭鉶疏。則此處經文似無稷字。鄭注搏黍曰。獨用黍者。食之主。疏曰。按上文云。爾黍于席上。不云爾稷者。以稷雖五穀之長。不如黍之美。故云。食之主。又乃食祭鉶疏曰。前正祭之時。佐食。爾黍於席上。是也。據少牢饋食禮。爾上敦黍于筵上。疏則此處經文又似有稷字。彼疏曰。按特牲黍稷。此及虞皆不言稷者。文不具是也。引之謹案。稷。衍字也。因上文佐食取黍稷而衍特性饋食設黍稷兩敦。但

云祝命爾敦。尙不知所爾者爲何敦。故必箸之曰爾黍。
言所爾者乃盛黍之敦也。兩敦必爾。黍者黍在西爲上。
敦爾其居上者。非黍必居上者。黍爲食之主也。特牲之
禮雖與少牢不同。而所爾者皆上敦。上敦者在西之敦
也。少牢羊俎在豆東。魚在羊東。敦黍設于羊俎南。敦稷
設于魚俎南。則黍在西矣。東爲下。西爲上。先設在西之
黍。所謂上敦也。設敦西上。而以在北。西之敦爲上。敦猶土
虞禮之陳鼎北上。而以在北之鼎爲上。
也。特牲設兩敦。黍稷于俎南。西上。在西者黍也。土虞禮
設二敦于俎南。黍其東。稷亦是以西爲上。土虞又云。饋
黍稷二敦于
階閒而云黍其東。稷則黍在西矣。土虞記曰。其他皆如

饋食則特牲饋食之設兩敦當與處同是少牢特牲之敦皆以西爲上少牢爾上敦黍則特牲所爾之黍亦上敦也上敦有黍而無稷不得兼言爾稷明矣且士虞云祝命佐食爾敦佐食畢黍錯于席上亦但爾黍而不爾稷稷非上敦也又士昏云贊設黍于牖東稷在其東又云贊爾黍亦是爾在西之黍不應特牲又爾稷也當如下文疏所引作爾黍于席上而無稷字爲是不然則黍稷各一敦若兩敦並爾則但云佐食爾兩敦于席上其義已明何待分言黍稷乎又案下文反黍稷于其所謂反黍敦于組南亦不當有稷字佐食所爾者唯盛黍之敦則所

反者亦惟盛黍之敦。士虞云。反黍如初設。但言反黍而不言稷。是其例也。蓋經文爾黍下已衍稷字。後人不知其謬。又據以增稷字於反黍下耳。以士昏士虞少牢三篇合考之。則此篇之衍字顯然。鄭注不釋此篇。兼言爾稷之故。則本無稷字。可知。賤大記正義引此。亦作爾黍于席。無稷字。與特性疏同。少牢疏。蓋後人所改。

拜

賓北面拜。主人奠解于薦北。賓坐取解。還東面拜。主人荅拜。賓奠解于薦南。唐石經及各本同。戴校集釋云。還東面下衍拜字。上文云。賓北面拜。下文云。主人荅拜。荅

賓北面之拜也主人荅拜下乃云賓奠解于薦南則上文賓坐取觶還東面之時猶未奠解也未奠解則不得拜明矣且亦無賓兩拜主人止荅一拜之理

西南

主人出立于戶外西南祝東面告利成識誤曰案下文云主人出立于戶外西面此南字亦當爲面集釋集說竝同或曰唐石經亦作南張氏以意改爲面而李氏敖氏從之家大人曰張改南爲面是也戶外西面者主人之位也故主人事尸禮畢事簋者禮畢皆出立於戶外西面主人西面故祝東面告利成與主人相鄉也疏云

少牢云主人出立于阼階上西面祝出立于西階上東面祝告曰利成此戶外告利成彼階上告利成若天子諸侯禮畢於堂下告利成故詩楚茨云孝孫徂位工祝致告鄭箋云孝孫徂位堂下西面位也。以土賁疏然則戶外西面者主人之位也天子諸侯大夫士之位雖有堂下階上戶外之不同而西面則同若戶外西南則非主人之位且與祝東面告利成不相當矣唐石經作西南字之誤耳楚茨正義引此正作立于戶外西面又云特牲少牢皆西面故知天子之位亦西面也。

今文淳作激

記淳沃。鄭注曰。今文淳作激。釋文曰。激。一本作浮。劉本
作微。引之謹案。激與淳聲不相近。激當爲敦。蓋因淳字
而誤加水旁。形與激近。故譌爲激。又譌爲微也。隸書敦
字或作
敦與激相似。加水則與激相似。敦淳聲相近。故今文淳作敦。周官內宰
出其度量淳制。故書淳爲敦。是其證矣。

主人拜送

少年饋食禮。主人醑尸。尸拜受。主人拜送。家人曰。主
人拜送。本作主人西面拜送。凡主人主婦事尸。皆西面。
故上文主人西面立于戶內拜安尸。下文尸醑主人。主
人拜受爵。尸答拜。主人西面奠爵。又拜。又主婦西面拜。

獻尸。尸拜受。主婦西面拜送。爵祭統正義云。少牢特牲
尸皆在室之奧。主人西面事之是也。又案上虞禮。主人
酌尸。尸拜受。爵。主人北面答拜。鄭注云。主人北面以酌
酢。變吉也。疏云。案少牢。各本少牢上衍特牲
一字。今據下文刪。尸拜受。主
人西面拜送。與北面相反。故云變吉也。特牲直有主人
拜送。雖不見主人面位。約與少牢同。皆西面也。彼疏兩
引此文。皆云西面。自唐石經始脫西面二字。而各本遂
沿其誤。

迎尸

少牢下篇。主人出迎尸。家大人曰。尸下當有侑字。上文

戶與侑北面于廂門之外故主人出而竝迎之下文主人拜戶荅拜主人又拜侑侑荅拜卽承此文迎戶侑言之後人以鄭注賓客戶而迎之云云但言戶而不及侑故刪去侑字不知鄭君之意自以上篇正祭時主人不迎戶以伸戶之尊此迎戶則待戶同於賓客說見疏故但言戶而不及侑非謂主人迎戶而不迎侑也上文議侑于賓疏云自此盡侑荅拜論選侑并迎戶及侑之事引此文云主人出迎戶侑又侑出俟于廂門之外疏云立侑以輔戶使出便迎之則此文本作迎戶侑明矣自唐石經始刪侑字而各本皆沿其誤

其胥體儀也

其胥體儀也鄭注曰儀者尊體盡儀度餘骨可用而用之尊者用尊體卑者用卑體而已今文儀或爲議疏曰言儀取尊卑得其儀但尊體既盡就卑體之中度尊卑之儀而用之不可辯其尊體故鄭以意解之尊者用尊體卑者用卑體而已也家大人曰疏謂度尊卑之儀而用之非也儀亦度也言尊體既盡就餘骨之中儀度其可用者而用之也說文曰儀度也周語曰儀之于民而度之于羣生又曰不度民神之義不儀生物之則繫解傳擬之而後言議之而後動陸績姚信本議並作儀儀

之亦謂度之也。說見後議儀與議古字通故今文儀或
事以制下
爲議也。

脂辨

脂辨無牒鄭注曰亦盛半也。所盛者右體也。釋文及疏皆不解辨字。引之謹案辨當讀爲胖。說文曰胖半體內也。故鄭以盛半解之上篇曰脂一純而俎。注曰合升左右胖曰純。純猶全也。又曰脂一純而俎。是脂載全體。今盛俎則但取其半。故別之曰脂胖。上篇司馬升羊右肫。注曰古文胖皆作辨。是辨爲古胖字。故曰辨者明右體及其脅與脊皆盛也。則是讀辨爲偏矣。盛脂而曰偏何。

以別於上篇之純乎天之遠矣

經義述聞第十